



浙江圖書館



浙江圖書館

縵雅堂詩

兩冊十卷書

浙江圖

一之五



浙江圖書館

自序

余家係出太原世敦秀業下溟所入衣食裁給 大父與
先大夫皆早世余生而孤露幼多疾疢重闈珍護年八歲
不令入塾四子書詭經皆大母親教之先宜人承外祖香
巖公之教能背誦唐人詩數百首暇以口授悉成誦十一
歲始就外傳三年數五經周官爾雅左氏傳習舉業十六
歲始學為詩文喜新崇異穎紫彬駁侈侈自矜三四年間
積稿近尺一旦有所悟悉拉襍燒之乃治班氏書讀唐以

前詩嗜南朝宮體玉臺一編出入以之五試有司不合橐
筆遊吳門無所遇至皖訪外兄沈君子鳩茲往來大江風
帆沙鳥浩渺千里雄覽所會靈襟有拓叩舷發唱詩格遂
變既至宣州客邑署者一年粵氛狂熾躡楚窺吳雕青驛
徒察亂而起危幕之下不可久居乃歸理往業次年補博
士弟子員而大母已不及見矣自是而後風鶴之警日
迫于治生家亦漸落憤時之懷憂貧之嘆吾誰與語惟寄
于詩秋風登臺落日野望黃金之鑄實在浣華時有游覽

地

亦法二讎而三唐兩宋元明國朝之什一鳩徧借百免
為禿選我學集一百卷楷錄珍襲時時展讀幽憂落莫聊
用自解及乎妖星冠斗吳越淪胥奉母避地婁犯危險寢
惟牛衣食則并日埋骨之地曛旦莫定攤鼻之吟轉徙不
廢二年事平全家告歸不及于難雖敝廬灰燼身外無物
亦云幸矣今上御宇之四年東南旣亂以次削平林蒸
瘴瘼漸見熙樂于是粥田得資結屋故址儔侶雲散亦復
漸合隻雞招邀時啟近局乃結社于東皋討論史籍規歛

幽奧賡詠之會月必二三哀集所作多至二百篇大歷明
初頗用自負日月不居青藜難再為饑所驅就職司訓權
金華鐸逾歲調浦江山郡冷曹稀接人事窮討巖壑剡刻
雲鳥小晉取唐彥惟意所之又三年校經武林四方勝流
帆轄所至聞聲投紵捉襟定交上下議論識力益定以為
詩文之道不外雅昂雅則氣古昂則味長以是為主奇正
變化惟其所好心乎儀之物能踐也磨蝎在宮此足有鬼
六赴秋試婁得復失折爰未報金萱遽萎嘔血一斗抱恨

譚
譚

百年又以窮迫廬墓未能既歎祥祭仍棲僭枝黃墨之暇
刪削舊作同人醵金為先刻笙月詞四卷復編二十餘年
篇什甲子以奔存十之二三甲子以後存十之四五錄為
十卷生平好讀漢書有漢注訂誤秋冬之交夜輒不寐多
假編籍篝燈縱觀有秋夜讀書錄以及駢文騷賦之作清
譚筆記之書楮札具在將讀錄焉余今年四十又四矣壯
不如人老更可知徒此區區自珍敝帚亦可悲夫
同治癸酉上元之日山陰王詒壽書於縵雅堂

出於秦西土穴之山...

不以人共更下以...

不筆於之書...

知為陳著...

亦於五平...

高休早...

此以...

百平...

館

書

圖

江


浙

日盟

縵雅堂詩卷之一

壬子至丙辰

山陰王詒壽



白紵舞

揚輕袿感纖步
 綵袖迎風麝香度
 宛轉回身抱銀霧
 勸君金尊為君舞
 君不見桃花含笑雕闌東
 今日已非昨日紅
 美人舞袖香續紛
 製成白紵光如銀
 不惜風吹顏色黯
 但愁疊損瑤花文
 當筵妙舞驕陽春
 上客莫愁日暮雲
 珠鐙翠蠟燦以陳
 一曲更奏迴鸞新

攜手曲

蘭佩香聯袂瓊窗翠掩紗含情攜素手密語逗紅霞曼臉
偎美玉芳塵拂鏡花相對休相妒君恩若個賒

擬相逢岐路間行

京洛盛冠蓋喧喧何煌煌出入岐路間觀者避道旁繡轂
芳塵起白馬黃金裝借問何少年雪面承貂璫云是貴家
子二十侍中郎霜戟交朱戟
紫鴛鴦颯沓珠履客宛轉邯鄲倡讌游多戚里邂逅皆

執

金張噓氣令人煖，炙手執莫當。金門有窮士，十年羈翱翔。
相逢不相揖，自顧空傍徨。傍徨亦何為，憂樂來無方。冰玉
慎自持，時至生輝光。

夜夜曲

鈿笛朝朝怨，冰輪夜夜輝。風連井梧落，還疑游冶歸。征鴻
度銀漢，流螢入翠幃。空牀愁枕冷，單景怯燈微。香銷金鼎
篆，塵暗玉琴徽。何處歡情好，羅衾拂畫衣。

白馬篇

白馬紫羅巾鳴鞭出薊門
首隨寶車騎今逐李將軍
戰氣沈邊月驚沙壓陣雲
赤翎流電景寶劍連壘文
誓繫單于頸期清塞外氛
壯士恥墮下男兒重國恩
憑持馬革志終成龍額勛
寄聲游俠子莫漫醉紅裊

古別離

圖

與君生別離日落湘水陰
門前芳草路青驪去駸駸
芳草無遠近別意與之深
昔為此翼鳥今作分枝禽
浮雲感君迹游絲繫妾心
不惜衣帶緩但慮風塵侵
善保千金軀歸

來游羅襟

長門怨

長門人跡少魚鑰鎖重重
銅壺滴清漏鈿語秋蟲
風振綺簷玉葉飛金井
桐雕輪碾夾道鳳吹遞
鹵宮含愁拋錦瑟擁
裏步庭中履怯苔花滑
衣沾桂露濃惟有多情
月流景過墻東

擬古二首

團團三五月皎皎懸素壁
照我合歡珠孤衾隨轉側
月從

歡邊來應見歡顏色
顏色媚新人鴛鴦比雙翼
新人對花笑故人背燈泣
不怨歡情薄
儂命合淒悒
殷勤祝明月
夜清輝入

東風吹花枝開落難自持
春水護翠鳥乃有漂流時
夙昔盛歡好信誓無別離
拂拭青銅鏡中有雙玉姿
玉姿不可恃愛憎隨變移
佳人泣空谷
嫫母被錦衣
人事本如此
詎獨歡情非

夜坐吟碧堂作

看竹客初散烹茶酒乍醒
風聲水樓笛花影草堂星
月吐雲先白夜涼燈更青
耽吟兼憶事負手步中庭

贈陳山人

藤枝為伴當雛奴四海無家一老夫
燕塞秋霜驅北馬楚天涼月感南鳥
青鞵踪跡山行健白髮江關旅夢孤
紫蕨香蕨隨處有何當決計坐_{團蒲}

雜詩三首

蟋蟀庭際鳴房櫳迥秋夕娟娟素粉妝
媿媿當窗立金箏

寂不御羅袂涼猶襲盛年偏獨處芳華更誰惜昨有金吾
子殷勤求良匹亦既通盼眄冀得契肝鬲豈云乏令儀何
因見棄黜宛宛東鄰女夙昔共衣烏紅羅結永好寶釵增
顏色三星燦在戶華鐙照路側鄰女何獨姝自顧良非及
舉頭望素輝良宵徒嘆息

圖

東風吹花落春至仍芳菲燕去遺故巢明年還復歸美人
倚虛幌攬鏡惜容輝容輝不長好華年胡更來如何新婚
別一去信^音稀自君之出矣暗塵生玉徽妾有南都黛能畫

宮中眉黛銷何心臨妝臺昔為老大女躑躅知者
誰今為蕩子婦空房仍獨悲悲來無終極涕泣以徘徊

瑤臺十二闌中有神仙人儀態盈萬方被服麗且珍窈窕
戲洞房鴛鴦媚青春出入盛徒御繡褥馳雕輪道逢浣紗
婦屣敝衣生塵長跪問仙人何修得此身依微發丹笑茲
理難具陳請看枝上花顏色同鮮新飄風有時會安定溷
與裊

珠孃曲

綺樓紅鎖桃花雨。桃花春色渾無主。洛姝真珠樓上居。時
隔玳簾共花語。麝絃仙鳳啼碧雲。猩羅濺香黃鳥春。蘭焰
珠垂漏聲細。粉惟嬌夢縈檀翠。夢回曙色芙蓉屏。花袍拂
柳歸鳳城。蟲梁重挑拭縹髻。手弄笙篴待嘶騎。

席上贈歌者效謝朓夜聽妓詩體

銀燭溢夕輝。金芙蓉映蘭席。流蘇香步縈。嬌韻丹脣出。既憐
淥水弄。復愛瑤華質。勿辭箏語勞。坐有知音客。
佳人悅上客。不惜醉流霞。鉛臉逗春笑。輕鬟搖翠花。繡吧

雨
應
作
雨

卷一

綺樓紅鎖桃花雨。桃花春色渾無主。洛姝真珠樓上居。時
隔玳簾共花語。麝炷仙鳳啼碧雲。猩羅濺香黃鳧春。蘭焰
珠垂漏聲細。粉帷嬌夢縈檀翠。夢回曙色芙蓉屏。花袍拂
柳歸鳳城。蟲梁重挑拭縹髻。手弄筇篨待嘶騎。

席上贈歌者效謝朓夜聽妓詩體

銀燭溢夕輝。金芙蓉映蘭席。流蘇香步縈。嬌韻丹脣出。既憐
淥水弄。復愛瑤華質。勿辭箏語勞。坐有知音客。
佳人悅上客。不惜醉流霞。鉛臉逗春笑。輕鬟搖翠花。繡吧

傳情蜜橫波溜玉斜歡娛惜宵促窗前啼曙鴉

往事

往事怕重提提時意更凄開門驚乳燕回首側香蟻花几
安窗北水簾軸柳西鏡圓窺粉瘦釵小壓鬟低艷愛紅瑰
笑嬌憐碧玉啼薰衣邀繭蝶繡枕仿神雞一自雲仙去三
年兩夢迷玉階人寂靜綠暗草萋萋

西鳧舟中夢得腹聯醒後續成

篷背雨數點通襟夜氣涼三更天皎潔十里水蒼茫月引

澹烟墮波移秋萼香竹林有僧院佛火出羅塔

蓬萊獅子巖觀日出

腦腦膊膊天鷄聲東方欲明猶未明海靈悲嘯百怪遁鬱
儀振管開赤城是時月輪白無色失勢將墮還支撐珊瑚
十圍海底湧隱隱天鼓如雷鳴紅輪者日白輪月兩輪上
下相搏擊紅輪新躍白輪低萬道朱霞晃金碧海波欲沸
天風號六螭夾臂騰青霄白光一瞥墮淵底但見旭日扶
桑高絳旂翠羽紛在眼丹臺煜煜駕巨鼈神鷗火鳳出翔

舞紫綵照耀龜鼉巢黃金之宮萬菡萏流珠閃爍鮫人綃
吾聞曜靈五色象政理今之所見毋乃是一片晴光萬國
瞻淨掃浮烟妖蜃死憑高作歌聲鏗鯨赭袍仙官抗手迎
相期上冬陽氣動縱觀再上蓬萊行

相傳十月朔
旦觀日尤勝

石門晚泊

斜陽沙水明卸帆傍溪口開篷延青山山色半船受冉冉
風中篠依依岸旁柳薄飲適襟趣散行謝儕偶人語烟際
村犢返桑邊畝草褥欣步安屋老識風厚暝色漸蒼然遙

林寺鍾乳

姑蘇

落盡桃花又暮春
我來倚棹闔城
畫橋楊柳瀟瀟雨愁

絕吳孃曲裏聲

吳船曲

遠樹曳春烟
晴嵐澹遙碧
渡頭人喚船
楊花落如雪
江南

畫船堪載花
江南女兒顏
如霞玻璃嵌
窓蝶繡幙粉
甌新

點松蘿茶
吳波不動船
如屋打鼓人
歌鷓鴣曲
客遊何必

定思家玉壺篷底香初熟

陽羨道中

館

幕歷烟痕放嫩晴
尋詩不計客中程
半飄春水通江激
一路青山到縣城
出樹酒旂知小市
撲船風絮報清明
柳灣好趁斜陽泊
泥聽黃鶯宛轉聲

登蕪湖江樓眺遠作

跋扈魚龍氣浩茫
危樓獨倚水中央
潮聲遠岸迴湓浦
帆影青山下建康
吳楚烟雲連大澤
東南興廢感斜陽
臨風

又聽悲笳起江戍蕭蕭暮色涼

姑熟舟中即日

小泊風力微修程傍花發曳榜鳴榔蔕蔕低帆出林樾平江
淨鋪練遙峯翠列笏村迴屋錯互水流日明滅漉米婦紅
裙刺船翁白髮芳皋柘烟綺古廟蔓花纈對茲樂清曠旅
顏愧塵積繫纜何處好古樹臨流驛

宣州署齋夜坐

浙

疊鼓夜何其新涼酒不辭客愁孤笛喚歸夢碧山知故國

一千里清暉三五時遙知白頭母對月定眠遲

登太白樓放歌

生不願封萬戶侯亦不願見韓荆州但願日攜一斗酒解
襟痛飲李白之高樓高樓正倚敬亭麓樹葉亂落天容秋
西風吹嵐撲眉宇到此可以消百憂安得綠玉杖持之汗
漫游朝行蒼梧野夕宿青海頭名山五岳不覺遠興來躡
霧凌瀛洲拍洪崖挹浮邱大笑黃塵擾擾腐鼠爭嘆啾擲
杖化為龍騎龍叩天關守關虎豹牙巉巉以手撫之馴不

頑投壺玉女來珊珊口傳帝命教汝還賜以瓊漿玉棗彤
霞丹飛身疾下九萬里白榆掠鳥短于薺海東曙色天雞
號玉母車前老龍起仙童雪膚雙髻了招手貽我蟠桃花
麻姑綽約擲米罷黃麒麟上斟流霞歸來不覺五千載海
水幾次揚塵沙吁嗟乎噫嘻王侯第宅倏非故富貴何如
草頭露丈夫不學安期生神仙終為功名誤我歌鬱律風
刁騷待者和以紫玉簫謫仙人之宮錦袍掀髯長嘯來相
招躡臂傾盞銀蒲桃下視碧山波陀西注如傾潮

粵寇陷楚北窺長江聞官軍屢戰不利慨然有作
彌天誰掃逆氛清毛羽無端養漸成三蘖當鉏偏漏網百
年無事忽稱兵西風驛路軍書急落日旌旂戰馬鳴莫倚
東南天塹險防秋亟為選干城

題畫柳小冊

踈地長條翠黛勻輕波冉冉嫩烟新赤闌橋外花如雪盡
日鶯啼不見人

暮雨瀟瀟碧水隈書蟲葉老卧蒼苔劇憐一樣風流種不

向靈和殿裏裁

依依殘窈隔紅樓
愁殺行人古渡頭
涼月如烟水痕澹
西風一夜漢南秋

何處人吹碧玉簫
蕭蕭疏一種態猶嬌
白門殘照青溪月
流水棲鴉點六朝

朱葉帆

驥

表兄負雋才與余雅相得鄉人來言其得

疾歸道山近兩月矣哭之以詩

同是欽碣抑塞身
聯牀長憶話情親
忽傳已化人如壁
乍

聽猶疑信未真有此清才偏不祿尚多遺累長沉貧知君
九死尤難忘零落青氈一片塵

彈缺曾嗟富貴遲十年辛苦一燈知空傳叔寶彌留語不
賦盧郎及第詩黃口終虛身後計白頭忍見蓋棺時可憐
最是黔婁婦自結禱無半載期

題汪明經塞外秋獵圖

丈夫三十名不成便當萬里答兵行邊風吹衣塞寒烈高
秋拂劍盧龍城那能日理洛生詠擁鼻作此老婢聲汪君

志氣何軒昂，愧俄七尺虬。髯蒼前年上，書不得志歸來射。
虎南田，岡平生奇氣，抑不可醉。撫髀肉歌，慨慷朝來示我。
新畫障，粉墨丈人森開張。黃沙莽莽斜陽黑，一角天山太。
古雪毳袍風，勅紫騮驕臂上。雕鷹眼睛碧，金銀前髮雙。雖。
奴黃羊酒，挈銀胡盧馬前含笑。指溪鹿橫飛，一天穿其顛。
胡姬玉貌麗，且都鞞鬟窄袖。黃貂榆酒酣一曲歌，嗚嗚和。
以羌笛銀鵝竿，英雄豈必封侯骨。此樂何知老將及，不見。
南朝曹景宗，閉置車中轉愁絕。我亦頻年厭下帷，夜吹怒。

鐵寒龍悲何當共策榆關騎月拓秋弓雪打圍

水仙圖為桂秋厓 林大令題

玉蟾嚙破綃宮雲瑤妃踏浪開海門的的秋珠譚雲翠手
撒冰花打龍背鳳毛碧眼珊瑚竿銀霧抱衣星佩寒鮫童
螺女出歌舞水氣幻作玻璃天綠眉洞仙青桂髓瓊斗呼
漿霞色喜龍釵一擲金梁起碧空無烟掉虹尾

臨歎臺遺址

想像笙歌帳殿開烟雲何處覓高臺徒聞黑月悲笳語無

復紅燈獵騎回廢苑鶯花人代換
秋風江浦雁行來登臨
何限南朝感一片殘碑黯綠苔

夜艤胥門

紉如街鼓打寒烟艤榜城西古岸邊
玉篴梅花孤客夢紅牙燈影麗人船
清歌裊裊風迴枕斜月沈沈夜侶年
明發畫橋東畔路綠波門巷訪雲仙

歸舟過秀州作

卧聽西風吹棹謳波潑潑白雲流
青山墻影來寒寺紅樹

簫聲過秀州烟水片帆愁暮雨江湖尊酒阻清游歸心自
笑隨飛雁不為題詩上畫樓

沈竹堂謙文屢以詩見投並過草堂賦此奉畬

落花堆牀絮吹幕新綠如山壓茅屋黃鸝喚客東風晴拄
杖到門破幽獨東陽詞客神仙人新詩脫手無纖塵浣花
牋紙古釵字為我幅幅裁春雲聞君有廬擅水石地僻頗
迴車馬跡少年癖性老不移掩關捫斷吟髭雪中紛紛
競門戶顛倒天吳襍綴補質園死後五十年風雅邇來棄

如土我從江南飽看山輕舟挈得詩囊還分甘偃卧獨吟
賞那知詞老容追攀舍南春水烟光開短童解注玻璃杯
興來不惜為君醉浩歌一曲天風來世事烟雲休挂口大
笑門前列槐柳閒鷗望馬各性情且飲蒲桃一壺酒君歸
剪韭開蘿堂明朝吹簫飛野航登堂索和白雲句待看月
底流泉涼

題蔡生所畫山水障

滃

浙

灌木涵晴烟濛濛暮深碧烟缺一峰見浮嵐潤欲滴流雲

失累磴飛泉界幽壁花外招提古林杪春江濶兩兩估客
舟輕風點帆葉安得隨幽人尋烟躡芒屐何須二頃田便
結一畝宅看山飲江淥徜徉湖晨夕

粵寇益熾鄉人客江南者多罹於難余獨以先歸得
免回首舊游不禁感慨因賦是詩

妖雲黯黯掩長空虜騎長驅漸欲東共道廉頗能克敵誰
知李廣竟無功三更鼓角秋星墮萬竈貔貅戰血紅六代
可憐形勝地青山白骨冷西風

年時王粲記依劉作賦曾登謝朓樓南國鷓枝人盡戀天
涯烏嘖我偏愁江山別後渾如寢烽火傳來已隔秋僥倖
吟身今健在雪泥回首涕難收

古寺

古寺半巖裏門迴泉一灣孤花媚寒磴清磬迴秋山僧老
松俱瘦鶴來雲與還擬乘明月夜踏葉叩禪關

塞下曲和鏡泉

鼓角一聲高胡兒半遁逃愁雲青壓日殺氣墨侵袍戰馬

黃金勒將軍帶血刀
凱歌還漢壁
明月照旌旄

春感和張卧雲 銳

館

東風寂寂曉烟輕
極目關河百慨生
蔽日雲原無定態
感時鳥亦有悲聲
地連吳越邊烽急
世累成平將畧輕
手戮鯨鯢吾悲願
醉敲長劍意難平

老將行

銳頭將軍頭如雪
叱咤猶能鬥霹靂
忽憶提兵破賊時
手撫寶刀背欲裂
沙場轉戰心膽雄
蠟燭塞外追黃風
殺氣

暗天鼓聲碎金戈雙舉盤蛟龍十年辛苦陰山下蛇鱗細
甲豹皮馬匈奴頭斷將軍飛頸血噴面面色赭功成歸來
朝明光傷瘢卸甲八十槍斗大金印未入手短衣匹馬藍
田岡老將雖老氣尚豪醉來起舞披戰袍夜看惡星明狗
國怒破青天天為高吁嗟乎君不見廉將軍年八十力拓
硬弓鐵胎黑弱趙返強誰之力

詠晉史八首

浙

飄然緩帶與輕裘決戰何須用詐謀敵國軍民懷信義興

朝儒將劇風流道遙歸里成虛願慷慨登山起暮愁未了
邊庭戎馬事却憐慟哭滿南州

羊祜

百萬奇兵指上流巴山烽火簇戈矛長江飛棹驚強敵大
樹書名笑賊謀後世威聲愁岸谷一家經術貫春秋從教
南土歌無叛若個功勳似杜侯

杜預

清肅諸軍欲息戈武昌官柳自摩挲中原辛苦齋頭臂壯
歲功名澤畔梭已見華夷消跋扈却令老子得婆婆此生
敢易忠勤念指血成公字未訛

陶侃

鼓棹乘風殺氣屯阿童威望滿乾坤七年苦惜樓船壞一
戰平將吳地吞自有功名超杜預肯因節度過王渾他年
地下應悲憤糊口江頭白髮孫

王濬

早歲衡門有盛名清談原不誤蒼生文章已遣強藩重兵
衛還嗤坐客驚依底春風新報捷山中林館最關情歸心
未遂身先死愁絕西州醉裏甥

謝安

風傾南國盡歸仁社稷居然繫此身九死終慚蘇武節一
生不受庾公塵新亭涕淚嗤同輩江左經營仗相臣漫笑

犢車長柄塵朝廷錫禮欲翻新 王導

祖述先鞭莫漫愁枕戈待旦願終酬胡笳曾落千軍淚寶

劍難梟二虜頭捧日心原存國計戴天恨未報親讎劇憐

慷慨歌詩處百鍊鋼為繞指柔 劉琨

寄語浮華士漫輕沈雄氣度本生成蟠螭胸抱風雲志捫

蝨談驚百萬兵治亂政刑宜峻肅報人恩怨太分明不因

霸力圖孱晉臨死忠言出至情 王猛

晚步叢山麓隨至卧佛寺 寺有釋迦涅槃像

黃葉擁秋山山色晚逾綠孤塔倚層峭清鐘帶幽麓言尋
招提境雲關款寒竹擅龕金幔靜瑤宮古花馥示寂即佛
理生天乃慧福人天各隨化道妙覺矇俗地迴山翮棲
唄罷齋魚續悠然欲忘歸疎燈漏禪屋

聞說



聞說江南北兵戈劇可傷血腥波漲紫雲氣陣團黃有鬼
依殘壘無人弔戰場重圍何日解辛苦老睢陽

送傅大令

端銓

之官福州

北風吹玄雲雕鶚決翎起握手一送君別言烏能已八閩
古揚州山水頗迤邐君去作宰官卓犖應無比仰思中丞

公忠誠化蠻鄙巍巍平苗績大書史冊裏

謂尊甫重庵先生

丈

夫能如此乃為百世企黽勉承先志賢勞劇煩理寇盜方

美兵喧喧驚卷七諸道遭吞屠白骨滿殘壘炎方此都會

負海險足恃軍門行獻策扼要備毋弛膺秩當酬恩崇卑

實同軌矧君賢達後高厚世所繫書功上露布策勛登丹

宸後先作輝映君才亦庶幾語君更勿忘貧交在梓里江

水本通流時時寄雙鯉

輓金穀生

萬清

觀察

公會稽人官闕死粵賊之難

凶耗傳來劇可嗟關河隱隱動悲笳
臨危戰苦原拚命報

國情深敢憶家月冷戍烟沈漢幟春寒劍血染蠻花遺

骸欲覓烽千里落日青燐走暮沙

題壯悔堂集

萬里狼烽欲靖難十年奔走恨漫漫文章手筆無流輩名

士頭銜傲宰官紈扇桃花春寢短故宮禾黍暮烟寒何須

更動科名念姓氏千秋黨籍看

春江晚漁圖

春烟濛濛一聲笛風起楊花落如雪斜陽挂樹一丈高
鷓呼人江水碧漁兄漁弟船作家女兒十五垂髻了魚梁
渡頭市初罷短篙簇簇搖蘆芽老翁提壺雙脚赤呼朋細
斫桃花鱖船頭喧笑船尾歌驚起水禽飛格磔柁樓漁婦
不識愁短衣窄窄籃包頭蘆中香起晚餐熟呼兒且把銀
罾收生涯竅羨漁家好賣餘頻頻魚鮓飽黃昏爛醉枕蓑

衣寢繞烟波月皓皓鏡中浩蕩多沙鷗若耶春水到門流
何當修作江湖長菱棹蒲帆理釣鉤

無題四首

如此風神見亦稀玉窗香寢總依依鏡臺虛擬投溫嶠羅
襪曾經見洛妃豈藉雀頭方助思可憐龍骨竟如飛翠簾
不卷紅薇晚惆悵金泥蛺蝶衣

一種情懷結愈深無端偏有恨相侵自盟生死長鑿骨偶
話悲歡總會心紅尾瑤璫秦女鳳綠絃斷淒馬卿琴病來

坐卧都無賴，嬾向燈前卜好音。
瑤臺何處問嬋娟，叩叩香囊憶肘懸。
畫嶺微塵春有影，洞房涼月寢如煙。
愁無秋士堪埋地，情有媧皇未補天。
安得將身化鴛枕，一生長壓鬢雲偏。
脈脈無言盡日痴，工愁人詠惱公詩。
密書錦字封紅淚，香暈青衫護絳脂。
枝上鳥啼憐共命，階前花發記將離。
何時最是消魂處，斜月簾櫳玉漏遲。

贈錢唐蔣諳卿坦秀才即題其息影廬詩集

才華雪艷淨無塵
旅館鶯花寫恨新
感舊頻來千里寤
耽詩正坐十年貧
秋風琴劍文章淚
短褐江湖老大身
鏡水
榻來為客地
一尊慚愧碧溪尊

塞寒行

燕弓弦勁風霜惡
黃沙漲天失戎噀
虎毛壯士慘不驕
落日嗚嗚動哀角
枝尉羽書飛騎來
黃昏擊鼓營門開
將軍
決策在萬勝
令嚴鐵騎皆銜枚
單于夜獵歸來早
蒺藜滿
地理枯草千山暗
月黑雕城三更大
雪飛狐道龍頷
功名

疾戰成大呼奮迅爭先登刀光如虹稍如電熱血濺衣旋
作冰虜騎崩騰不敢敵漢兵長驅氣猶烈平明雪地視行
跡遺孤墮幟紛于葉

沈氏齋中觀新羅山人畫冊

笛牀禪閣葉蕭蕭一帶寒流舊板橋愁絕西風秋柳影夕
陽粉本認南朝

幽巖寂靜少人來滴粉凝烟竹徑開好是團瓢老居士
芋爐香熟定初回

縵雅堂詩卷之一

浙江圖書館

繆雅堂詩卷之二 丁巳至辛酉

山陰王詒壽翁

王澄川太守丈屬題商東里畫松

東里畫松如畫龍盤拏怒卷蒼厓風口噴墨池一斗水淋

滴元氣含鴻蒙霜膚裂蘚色如鐵咫尺太陰雷雨黑古牋

丈二高堂懸日夕濤聲動危壁我曾東上蓬萊峰臨溪手

撫唐時松磊砢天矯一千尺正與此圖形勢同天颶肅肅

吹秋暝寒色滿庭孤鶴醒開簾明月銜山來清光正照蒼

鬚影

代沈司馬寄贈邊將

三邊號令走雷霆風卷旌旂日色青萬里秦城新倚劍千

秋漢將舊題銘紅燈夜雪雞聲遠白月秋孤虎氣腥知有

雄心消不得登臺立馬看寒星

陰山風勅遁天驕蕩蕩營門靜斗刁首宿香肥邊馬健蒲

桃春塞花嬌羌兒胡旋黃雕錦蕃女琵琶紫鳳綃埃火不

升都護樂玉關休怨老班超

鬢影

代沈司馬寄贈邊將

三邊號令走雷霆風卷旌旂日色青萬里秦城新倚劍千

秋漢將舊題銘紅燈夜雪雞聲遠白月秋孤虎氣腥知有

雄心消不得登臺立馬看寒星

陰山風剽遁天驕蕩蕩營門靜斗刁首霜香肥邊馬健蒲

桃春塞花嬌羌兒胡旋黃雕錦蕃女琵琶紫鳳綃堠火不

升都護樂玉關休怨老班超

蕃字本無誤似不必改作番

靈鷲寺

蓮臺法雨靜聞香山影迴環選佛場一道泉聲繞莎徑竹

陰青護贊公房

經文貝葉綴松籤矮几水牕紫竹簾欲傍禪牀分芋火黃

梅花裏轉楞嚴

送諸知己公車北上時江南久淪賊藪行者須由海

道

風物頻年說

帝鄉諸公投袂去堂堂飄移曉霧滄江雨馬踏寒花薊苑
霜未用輕裝愁寇盜本來

聖世重文章明年賦奏長揚後莫漫音書滯遠方

偕秦秋伊樹銘司馬登南塘望海晚循蓬萊山麓至

西村訪朱芸巖植布衣留飲

登高望滄海海氣侵衣裳風靜鏡不波日色融微黃沿塘
半山翠時見長松蒼草豐屐不鳴雲深步欲翔相將入西
崦言登幽人堂堂上何所有圖史紛琳琅燒菘煮桑落高

論追羲皇明月催我歸涼影侵虛廊明當攜榼來相與盡
百觴百觴亦不醉愛此庭花芳拂琴澹香茗更索彈清商

芸巖
工琴

夏日假榻沈氏半亭謝孝廉保臨陳秀才延壽過訪

主人寄相表兄留飲

傍柳竹軒敞臨漆荔板開閒雲因花住舊雨為詩來碧蘚
淨如洗紅薇香已胎主人真解事一笑注深杯

哭酈浣蓮文杰秀才

示此詩在壁

太息心高命太乖重搜古錦恨無涯梅花麗句紅羅曲樂

府新詞紫玉釵

君工詞曲著有玉脂綠傳奇

鸚鵡有才偏不偶鴛鴦到

死亦相偕

夫人亦新汲

我來却覓悲歌處蛛網塵封薛沒階

悼次兒阿霞

嬌兒錦瑟長體貌頗白皙雖無家師佳美秀亦無匹如何

兩歲餘一病遽夭折憐汝性絕慧已解弄楮筆咿啞學語

言欵斜效行立見人輒跳撲挽鬚作戲劇我母汝祖母愛

之等拱壁高年無以娛藉汝開顏色方冀易長成何意遽

凶疾人小鬼亦微無依憐弱魄桐棺三尺餘
葬汝先塋側恐傷堂上心有淚不敢滴

渡錢塘江

西陵回首霧冥冥倚柁中流倦眼醒
江水秋晴涵雁影海門潮過帶龍腥
天連極浦千層雪雲接遙山一髮青
依約樓臺知岸近亂帆齊指夕陽汀

西湖

綠滑苔痕侵釣槎西風吹柳影斜斜
一聲水鳥不知處開

偏滿湖紅蕩花

由松木場至聖因寺遂歷段橋平湖諸勝

曳屐循宛術旋折穿林坳林開拓秀曠時見游人舸涼風
散塵雨山翠涌如潮湖光納晴影一碧相動搖蒲陰蓼穗
孤烟際禽聲嬌白雲墮鍾杵別徑松陰遙

松陰有招提禪關吸湖碧竹疎恰秋意花寂媚古佛阿羅
梵相妙貫休留奇筆香清地逾靜游孤趣自適瑤殿諷經
聲漁烟畲遙笛

橫橋跨長隄石闌蘸波冷濛濛楊柳陰中有叉魚艇水清
荇帶滑岸迴萼香靜淑花不知名襍芳綴秋影微風忽吹
來紅墮鷺鷥頂

水榭石橋西曲闌繚涼構花荷開晚晴十頃紅未瘦賣酌
帘影招呼尊甕香逗雪滴脆可粉碧羞小予豆薄暝寫枉
渚顏景春逸岫醉歸拓清嘯纖月雲端漏

度郎當領至天竺

百折磴旋螺緣敬貫雲影天風吹我輿幽卉墮香冷飢鷓

橫橋跨長隄石闌蘸波冷濛濛楊柳陰中有叉魚艇水清
荇帶滑岸迥萼香靜淑花不知名襍芳綴秋影微風忽吹
來紅墮鷺鷥頂

水榭石橋西曲闌縹涼構花荷開晚晴十頃紅未瘦賣酌
帘影招呼尊釀香逗雪瀉脆可粉碧菱小予豆薄暝寫枉
渚顏景春遙岫醉歸拓清嘯纖月雲端漏

度郎當領至天竺

百折磴旋螺緣欹貫雲影天風吹我輿幽卉墮香冷飢鷓

春字似有誤
當作春

爭果喧蒼颯驚人騁煩慮泉流滌道心磬聲做證願禮古
龕學膜整秋程枯僧禮貌疏瑤宇世事屏竹新風振籜松
老石為癭對茲愧塵服圓蒲羨禪靜

曉至靈隱寺丈室小坐遂至韜光老衲為供蔬食

裹髮登筍輿行行遵幽麓露浮巖蘚融風度砌花馥林腰
轉脩棧殿角出深竹馴獺瘦于僧迎客挂藤絲法堂鐘鼓
靜寶地獅象肅爐香縈丈室白雲曉猶宿山鳥啼一聲清
唄烟中續

韜光衆山裏萬竹涼雲屯尋幽此最勝邃綠無纖琅霏烟
濕蘿磴蒼雪飛松門風迴幢花靜泉畜齋魚喧欣然飯伊
蒲筍蕨真味存經樓涵湖光嵐色相吐吞倚闌展遐眺孤
鶴來軒軒

石屋洞

危梯欹雲根洞門衍巖腹厚苔網陰壁石香生古綠諸佛
趺跏靜螺髻青于沐盤根走藤蘿磔翅掠蝙蝠樹對列坡仙
書力懾老蛟縮得非慈雲護年深尚堪讀剔乳輒可餐捫

黛凜欲粟暝色蒼然合
啣^街花返孤鹿

水樂洞

山深鳥寢醒夕陽墮蒼榭
泓崢孕溼翠縈烟散厓屋清音
何處發飛瀑自成曲漱石鳴宵琴
拂篠^夏秋竹天飈忽鼓盪
濛濛商振林木淨洗箏琶耳奚愧
洞庭目造化妙協律天籟出幽谷
彷彿雲璈下羣真集靈躅安得携
詩瓢蘿居傍泉卜和以松風吟因之
砭塵俗

由南屏尋徑至烟霞嶺

尋徑沿清鐘夕風歛山笠流雲漸以返依依戀秋屐迤邐
涉叢澗躋攀逞崇適峯迴窈翠迫壑靜妥烟藉坐愛林木
幽但覺鬚眉碧孤芳時籠衣礪蘭藻巉石

武林秋憶

良宵絃管動離愁倚旒風情憶粉侯回首飄燈珠箔影一
江秋雨隔紅樓

相逢花月夜堂嬌密意何須索翠翹消受絳紗稱弟子玉
臺宮體學南朝

玲瓏裙衩碧如烟。記得西洲唱采蓮。第二橋頭官柳影，夕陽曾上總宜船。

紅囊香茗瀹釵頭。蟲語絲絲月一鉤。牽地水簾涼似雨，銀燈小閣最宜秋。

銀籠鸚母怯初涼。小鬢蘭雲點晚妝。疊雪羅衣新月色，一簪秋影木樨香。

鈿頭雙額貼鴛梅。親檢脂箱碾麝煤。不用十眉尋舊譜，隔湖山影送青來。

畫槩迎來月已斜
鸞靴無力髻垂鴉
雕闌東畔紅燈過
照見一行金鳳花

雁頭彈罷洞房涼
密意深緘豆蔻香
長記綠羅宮樣扇
自泥金粉寫死央

即日

寒樹疎疎傍碧隈
白雲爭逐雁聲來
波光靜蘸扁頭綠
古岸野花黃亂開

馬幼眉 賡良

賡題山水冊

濃雲刷墨冒溪灣，亭閣參差掩綠衫。記得北間樓展眺，秋

風秋雨謝家山。

繆南卿

梓

運使師殉節詩

公署兩浙鹽運使庚申春粵賊竄杭州城陷公死之

狼烽慘淡陣雲馳，一木難將大厦支。但聽悲笳圍粉堞，誰

驅突騎閃朱旂。乘城戰士拋戈日，奮節孤臣喋血時。報

國傷心唯一死，臨危大義幾人知。

防邊千騎擁貔貅，辛苦頻年氣更遒。雪戍曉彎弓月健，霜

袍宵倚劍星秋。

公曾統軍防玉山

蛟龍水竭妖偏熾，蛇鳥春寒陣

已收知道忠魂猶激烈靈旂影裏射旄頭

丁仲泉

汝謙

秀才客游武林遭亂歸越余亦避兵西

山初歸晤於松溪張氏齋頭庭中禰花已開煮茗

共話因得是詩

圖

亂後人重見高齋地最幽驚魂幸暫定春色若為酬更話
兵戈事難禁涕淚流風塵嗟頌洞花底看吳鉤

連日因掃墓得恣游山水觸目書得三首

春江沐微雨一碧淨于茗冉冉江邊樹輕波漾倒影風掠

水燕斜花點沙鳧靜緒烟帶翠柳眠篠出溪艇渡潤魚梁
橫岸古鷗村迥都望碧山寺鐘飛萬松頂

繫榜畫溪口野桃含笑迎山暖鳥性悅宛轉呼春晴禿檜
皴成石稚松長于人泉流出叢确灑灑花間鳴入雲棧直
仄度樹屋始平僕人挈榼待古磴苔文新

扶筇下青山頽陽在林杪竹塢通幽村杉廬筍香繞村尾
清江潤岸口吟鱸小炊烟起柁樓碧穗風娟娟浴鷺拍晴
波放犢步芳草行沽掇鳧葵悠然攄襟抱

馬將軍神礮歌 并序

將軍名鎮江西總兵粵寇撲會城戰死示夢於中
丞發古廬地得銅礮百二遂用以破賊有從戎歸
者述其事甚詳因為作歌

怒螺如虎妖雲走賊兵夜進西山口將軍匹馬膽如斗殺
賊立功那肯後賊來塋附堵若牆殺之不盡爭跳踉將軍
怒嚼霹靂碎神刀八尺環琅琅援兵夜阻壺矢盡浴血背
透八十創白月無光將星墮魂歸虎帳陰風黃生能殺賊

死亦奇甲馬肅肅天王祈中丞感夢將士悅神礮百二天
所遺綠毛耗體色如漆古殿深埋始何日行見紅龍百道
飛甘泉宮前夜報捷乾翻坤裂山岳摧惡焰似有精妖推
擊賊不中賊益肆拍手大笑聲喧陔城頭哀角鳴嗚泣前
紙黃昏風雨急重見將軍入夢來厲鬼前驅鬢毛立為言
此礮神已通游光赤髮潛其中亦如國士要人敬始肯為
人成大功如言三宿齋還戒祭礮以牲向礮拜平明大纛
倚城樓令旗下指風颼颼千霆萬雷忽然作賊營一氣團

紅鉢人灰馬燼腥烟流長驅騎隊千驍貅搜斬餘醜懸其
頭十萬之衆無子留呼嗟乎馬將軍萬夫敵志吞逆賊死
益烈此時立馬陣雲裏神礮功成應色喜

購得 國朝名家詞四種讀竟各題一絕

柔情豔骨語生香白髮填詞最擅場唱到秣陵腸斷曲先生

有觀秣陵秋金人捧露盤詞最
凄婉秣陵秋先生所著院本不堪重話舊霓裳吳駿公
梅村詞

玉磬金鈴迴出羣江湖烟柳幾番新縱然風格輸春水分

得山中一片雲朱竹垞靜
志居琴趣

不受塵氛半點蒙蒙小長蘆後寂稱工桐陰瑤瑟梅邊笛欲

鑄黃金事太鴻

厲太鴻
樊榭詞

夢總格律草窗神七寶裝成色最新畫出美人三十幅紅

牙爭按沁園春

吳穀人有正味齋詞集中沁
園春詠美人三十闕最佳

新柳用漁洋秋柳韻同秋伊幼眉

碧破春光玉破魂東風消息遞朱門舞腰楚女初睡手畫

黛吳孃半展痕流水赤闌芳草渡玉鞭香騎杏花村麴塵

一路嬌黃影月細烟疏與品論

誰將并剪淬秋霜。裁出纖條拂畫塘。
葉底待吹青玉笛。鏡邊新啟翠雲箱。
曲徵金縷曾憐杜。人倚朱樓未嫁王。
他日長堤鎖濃蔭。比隣桃李錦成坊。

好伴蠻娘拂舞衣。依依張緒是耶非。
綠波印眼春無價。紅豆含情怨尚稀。
洛里詩成人半醉。武昌客去燕初飛。
青溪曉月明湖雨。欲聽雛鶯願屢違。

如此風姿劇可憐。半含清露半含烟。
嬌無可奈眠纔醒。弱不能禁力本綿。
漫話青袍彈汗事。難忘碧玉破瓜年。
垂垂

可似蘇家樹一種銷魂繡箔邊

讀馬令南唐書

皖公山色雨初晴影落江南十四城
淒絕趙屯舟上語數
峯青峭不知名

妙伎曹生也欲師珠簾小殿奏新詞
琵琶曾是先王賜記
否初承恩澤時

念冢山破不堪聞愁對桐花憶寢痕
浪說安仁工作謀君
王才調最銷魂

多事銜鷺彩帛裁趙家合德玉為腮
昭陽花暖銀燈擁不用香階剗襪來

此邱難得肯提戈殉國空門有素娥
一樣江山拋佞佛南唐此處勝梁多

萬軸芸香鎖玉樓牙籤都付保儀收
江南興廢渾閒事可惜奇書一炬休

讀史忠正公集

慘澹風雲氣鬚眉宛卷中山河危半壁
天地賸孤忠感義

軍心死傷時淚血紅警書休更報歌吹正深宮
慷慨書遺札猶聞髮指冠應知天意去誰謂將才難明月
殘山小梅花故國寒尚留文字在正氣與旋盤

蘭亭

嵐色澹含晴雲暄鳥聲樂夷路迴清溪宛輿指遙薄入幽
翠漸合穿窈烟斯廓高亭敞平嶂削磴累奔嶂憇磐翫激
湍撫竹爰新稜翹古邈望辰尋軌遐情拓流觴溯高風賡
詩寄幽託纖陰縈晚柯餘映帶隆閣荒祠寂無人雲邊來

孤鶴

詩集六賢詩同秋伊賦

莫笑歸來已白頭黃冠野服最風添十年官蹟留金馬一
曲湖光戀水鷗銀漢有懷詩夢遠青山無恙釣綸秋遺居
欲問千秋觀烟柳斜陽起棹謳

賀秘監知章

羊酒曾煩盛禮脩釣船名重海東頭剡溪花好懷清躅晉
代松高結古傳自有詩篇傳五字即論風義亦千秋一峯
更盼南天遠落日蒼茫憶舊游

秦高士系

堪笑當年貌取人，却教嘯詠老閒身。
才清真愛冰甌滌藥，妙難醫雪鬢侵一曲鷗波。
耽小隱，九原虎榜慰初心。淵源家學詩千首，誰侶空山古調琴。

方高士干

琳琅萬首寄清狂，南渡何人抗雁行。
一代仙才追李白，三生春夢憶滕黃。
銅駝荒草中原淚，鐵馬西風塞外霜。
家祭告公成恨事，玉師北定願難償。

陸待制游

笛枝吹破海雲紅，跋扈詞場氣最雄。
鐵體文章新樂府，玉山花月舊詩筒。
春風鶴斃移吟舫，小隊鴛釵唱惱公。
留得

當時遺意在竹枝聲徹鏡湖東
楊提舉維楨

撐秋傲骨凌霄氣三百年來迴出羣
兩表文章誇幕府一襟落拓傲將軍
風雷勅筆無餘子草莽竒才老此君
聽到啼猿重感慨哀聲響徹嶺頭雲
徐文學渭

七夕

銀河涼夜鵲橋成會少如何別更輕
痴絕世間兒女話西

風瓜架聽啼聲

俗傳七夕藏身瓜架下可聞牛女泣別聲

年年此夕還相見如此佳期也算頻
為報雙星休怨別鍼

樓大有斷腸人

舟中二首

揆椀風吹酒力微
畫塘絲柳拂魚磯
夢迴篷背烟江雨
沙

燕鷓鴣作隊飛

為貪清景夜歸遲
涼沁秋衫雨過時
十里荷花白于雪
冷

香吹月上新詩

寄江南從軍諸知己

枕劍戎行願未違
狂來醉墨滿弓衣
淮流燈火南徐角
秋

盡關山未解圍

細柳弓刀號令傳
鯨鯢看戮定何年
爭如怒策如龍騎
夜雪飛狐斬左賢

近聞傳檄集雄師
知是長驅鐵騎時
倘許彎弓成一隊
帳前須選射雕兒

蕭郎千里覓通侯
幾度危旌動素秋
知否城南明月色
有人夜夜盼刀頭

偕澄川丈金愛棠

樹南

學博飲唐氏酒中劇談百感

皆集因成二律

欲消磊塊酒澆胸
話到時艱感慨同
江國烟雲連陣氣
橋山弓劍冷秋風
當關萬竈貌貅老
轉餉頻年草野空
醉擊唾壺徒一嘆
杞人心事鎮冲冲

東南無處不軍聲
腰際吳鉤日夜鳴
傷亂空煩劉太尉
埽氛終望李西平
痴雲閣雨天如夢
落葉呼風木亦兵
日暮酒闌愁更劇
悲笳嗚咽起高城

辛酉九月二十九日粵賊由諸暨撲臨郡城奉母避

厚寶邨轉至雞山

窮秋殺氣生赤色雲模糊白日鬼魅見暗月鴝鷓呼城門
眈蕩蕩賊行真坦途官去兵亦散有民供戮屠遺骸委道
路嗟此誠何辜血肉糜馬足滾地惟頭顱列炬嫌夜黑拉
襍燒房廬餘民半死生有類釜中魚但免刀頭死遑計腸
輓轡越人數百載不識戈與及云何值我生遘劫合節符
夜奔晝斯伏三匝無枝鳥更深不敢語賊騎來追逋老衲
瘦于鬼箒屋鋪圓蒲哀之進饘粥暫幸驚魂蘇都望大將

旂日還東趨一鼓掃腥穢躡齋歸舊居

居雞山旬日復避松溪

夕息依破廬岌岌風吹墻舉頭望賊火近在五里塘四更
山路黑迤邐趨高岡長飢足無力傾跌相扶將老母及瘦
妻啜泣心傍惶小兒不敢啼形色轉淒涼黎明殺聲起賊
幟紅飛揚村廬裹烟燄摧折雷聲礮男號復女哭何異驅
雞羊暮去曉還至生死難推量宵行膽屢破月暗天雨霜
白梧何少年掠奪相披猖孤村環寒流賊過留空房故人

幸無恙

謂張仁圃

對之雙涕滂，啖我以粟飯，飲我以酒漿，全家

得一飽，矢之冥報償。

館

松溪友人張仁圃

孔厚

刺史埽榻留止頃，之玉珊圃

元顥

揚庭

觀光

鹿亭

福琛

三孝廉壽少連

河清沈

桐屋

榮

兩秀才姚雲伯

澄

布衣亦陸續來相依共

話小樓感賦

相聚渾如夢，聯牀百感生。溪山戈馬地，衣食友朋情。家破

身猶在，村孤賊少行。登樓且歌哭，風雪正凄清。

偕陶定軒 慶章 太守夜話

兵氣宵來鬱似蒸，蒼涼相對話寒燈。
難消滄海無邊淚，誰到雲臺最上層。
孤劍嘯風人未睡，悲笳呼月鬼能鷹。
賊壕莫剷旌旂杳，白髮看君百丈增。

署紹興府知府廖公 宗元 殉節詩

公湖南人，守湖州時，賊攻之三年不能下。至是賊
熾將逼越城，當事者以公知兵，調權越守。公請以
水師礮船自隨，礮船兵固桀悍，與民互毆，公禁之。

不可遂撤礮船兵有通賊者為衆所獲于是疑公
亦賊謀矣公不勝憤明日賊至遂自剄死城亦陷
其屍在署六十餘日顏色不變山陰張仁圃以重
金啗賊百計出之羣疑始釋同治元年冬十一月
為殮而厝於湖濱屬余與丁仲泉沈桐屋作殉節

詩

空諳鈴畧蘊機宜滿日狼烽戰馬嘶午夜秋風沈鼓角孤
城落日駐旌旂從來劾節危方見可奈飛書謗太奇嚼血

拊心甘一死如斯天意總難知

炯炯妖星徹夜明孤臣無力戮長鯨戰場虛拓壕邊壘樓

艦難屯郭外兵當道老罷驚貉子防秋鐵駱擁菰城威名

猶說吳興績真惜鴻毛一命輕

哭李節貽

念孫

孝廉

節貽避地越中已年餘今秋歸武林未幾為賊所執不

屈死

攜手河梁記暮天依依莫挽孝廉船詎知黃鶴歸來日即

是紅羊換劫年尊酒竟成千載別吟魂應戀一湖烟畫廚

聞道遺骸在埋骨何時表墓田
聞賊以畫厨藏其屍

擬破陣樂

靈鼉怒吼獬霆急黃雲幕天天無隙銀光袞袞刀氣寒鐵
衣血浴胭脂熱紅旂繡字龍畫竿將軍絳袍團花鮮走馬
捎鞭逐秋電怒羆一叱軍容變綠蛇長牙斑豹戟弓叫餓
鳴矢蝟集凱歌一曲號天風擐甲列飲蒲桃紅掃平逆賊
報天子明朝再戰當成功

營門角起斜陽垂壯士生縛敵騎歸鸞刀剜血注銀椀斬

頭夜祭蚩尤旂平明啟壁士氣雄駢驅萬騎嘶長風大呼
斫賊若斫草將軍身輕疾于鳥何論禽賊與禽王百萬么
麼俱迅掃將軍戰績今古無遠夷驚服生民蘇佩珂摺笏
朝帝都英姿颯爽凌烟圖

浙江圖書

縵雅堂詩卷之二

縵雅堂詩卷之三

壬戌至癸亥

山陰王詒壽翁叔

亂中懷澄丈

書

八口艱難寄水涯無書乞米酒誰賒
滄桑劫裏磨豪氣鼓角燈前憶夢華
縱使固窮甘伏草可堪垂老更無家
悲歌欲寄何由達極目溪山慘霧遮

哭孫鏡泉丈

一自家山破霜華鬢漸盈
犯圍憐九死傷亂厭餘生
詩酒

當年話人琴此日情數行書牘在讀罷涕縱橫
前歲悲喪怙去年賦悼亡浮生真露草人世又滄桑多難
身原贅重泉去太忙惟憐白頭母血淚染靈牀

病中作

一卧危樓已浹旬病中誰與話酸辛旄頭毒焰驚狂寇虎
口餘生感此身運落風波魂夢惡家無兄弟友朋親囊空
米盡渾閒事愁絕年來不為貧

連日城南急鼓槓漫漫殺氣徧山涯運籌空借張良箸增

竈難餐道濟沙徧地流民齊泣血從軍戰士已思家義旂
盼斷來無日空汲清泉淬劍花

此首謂諸暨包村義兵

孟蘭盆會歌

書

香燈擎花千紅蓮簇簇繡幢盤紫烟慘螺呼鬼咽瘦月蒂
銅郎當清唄圓座上長眉白于雪毘盧錦帽茜花疊當壇
一擲米成山飛燐結隊西風碧啾啾新鬼來荒原今年應
比故鬼繁模糊血洗功德水彈指為汝消煩冤幾聲法鼓
催歸早灰蝶和烟顫秋草燭寒人散宵漏沈雨聲荷蓋涼

珠小

悲包村

諸暨包村在萬山中包君立身起義兵據村而守

賊累攻不能拔郡人依之甚眾凡十閱月村陷賊

屠之

圖

血氣糊天天色紫五萬餘人同日死東南半壁無堅城孤

村守義乃如此村中健者包將君擘龍之勇非常倫挺槊

百戰氣益壯自云視賊如秋雲將軍據險久不出鷓鴣夜

啼山鬼泣山頭礮火轟如雷谷口賊騎空壁來積挫成怒
勢莫遏死聲入鼓霜旂摧積屍磊砢高于屋老鴉飛飛啄
人肉燒殘白骨無人收盤空一縷腥烟綠吁嗟乎將軍雖
死英名存尺地之陷胡足云痛哉生民依附枉殺身秋風
夜夜啼冤魂

題畫

湘桃落滿釣魚磯香靚裙腰草漸肥一曲綠波人不見柳
花如雪鷓鴣飛

零烟碎雨板橋頭
菱葉荷花水國稠
閒殺風標兩公子
襍雪影瘦于秋

過叢冢處感賦

此地多新鬼
當年半故人
西風一回首
落日最傷神
血冷

秋花影烟沈
碧草茵隻雞
誰奠汝
雙淚落湖濱

哭諸知己詩

知己四人與余同避地於鄉
晨夕相過從
澄丈雖居稍遠
然亦無旬日違也
半年來張王以憂憤死
陶以曾節相檄調從軍
至黃浦感風死
朱以戰死草間偷活
獨鯁生耳

候選直隸州知州張孔厚

直北歸來鬢未斑，暮年誰料迫時艱。毀家虛擬能紓難，決

策無因見斬關。

君以重金遣入賂賊釋被擄者賊悍且黠需勒輾轉得釋裁數十人而家已罄矣又

嘗屬余為書寄諸暨包義士勸其早出破賊為決策甚具且隱結壯士待之而義軍竟不出既乃為賊所破君憤甚

遂漸以此去孤哀應籲帝年來義憤總如山傷心一載焦成疾

勞甚強為殘黎活草間。

黯黯寒雲逝水秋，生平重憶不禁愁。曠懷子美千間厦，豪

氣元龍百尺樓。肝膽照人真雪亮，鬚眉如此亦風流。君偉貌長

髯雖老 雲天我更思 高誼痛淚臨 風灑未休
有英氣

知府銜前任河南林縣知縣王澄川

鶴松無復仰清姿 一病江村遂不支 白髮殘年逢浩劫 秋

風垂死盼王師 空懷老驥追雲志 不見天狼墮地時 他日

烽烟清梓里 招魂剪紙告公知

清譚幾度剪溪蕪 交誼忘年我最真 羊續官廉甘戾俗 倉

公藥妙不醫貧
君善岐黃 清時絲竹浮雲感 故國鶯花戰地春

一事知君尤抱恨 牙籤萬軸劫中塵
君不善治生人產壯年游金陵頗嗜絲竹

囊金輒隨手盡既而悔之寫雲烟過眼圖寄意遂專志於
墳籍藏書至五千餘卷及自河南返里門罄歸橐又得數
千卷多善本去
冬悉燬於兵火

前任福建泉州府知府陶

慶章

憂國頻年老淚枯病懷黯黯感征途弓刀秋騎吳霜冷燈
火寒濤漢月孤晚死尚騰行路口彌留幾效渡河呼桑榆
事業籌邊念悽絕高城叫夜烏城陷時賊執君至舟君大罵賊叢刀斫之仆於河遇
援得復活既而賊酋以君久官應多金甘誘之不為動則
使鄉之偽官魚肉之君憤甚每以當時遇援為憾至是經
黃浦諸大吏皆駐邑城謀恢復留君暫襄軍事君遂
力主由海道進兵克越郡彌留時猶切齒呼殺賊也

持節前驅有鬼雄，鶴鷗聲裏陣雲籠。
鄉關夢阻黃狐月，江

浦魂飛白雁風。壯志新磨胡國劍，威名舊挂海門弓。
君曾收復

厦門 艤未發身先死，應見靈旂指浙東。

山陰儒學增廣生員朱之琳

東南急鼓走霜旂，辛苦行間鬢有絲。
冷月孤營哀角咽，秋

風壯志太阿知。一軍銀鎧奔驪日，匹馬青衫轉戰時。
君隨諸邑

陳君兆雲起義兆雲與包村合衣甲尚白君獨仍儒服壬戌八月與兆雲分兵出茶亭口猝遇賊精銳兵敗君戰死

困頓書生猶效死，建牙誰擁射雕兒。

滄海橫流毒霧昏衣冠何處典型存千秋忠孝名門業十
載章縫

聖代恩馬草青霜殘壘骨鶻花碧血戰場魂故人慚愧猶
偷活泣奠荒原酒一尊

登蓬萊小憩山寺作

蓬萊海中秀幽尋曩亦頗褰衣覓舊徑腰脚未肯惰平麓
穿林越蟲磴踏鬼砢藤走石勢活苔脫松形裸剝谷邀風
入怒瀑驅雲墮竹烟越寒磬榭葉擁蒼瓦境僻鳥羣棲樓

空佛孤坐老衲居山久那復知兵禍桃源屬寓言避地此
即可竟欲攜家來團蒲共芋火

長歌示仲泉桐屋

人生須作八州督出入呼騶擁高燾橫磨十萬殺賊劍迅
埽烟塵奠坤軸不然去作神仙人白雲高卧全吾真安能
日向草間伏砦窳瑟縮摧心神我昔盛氣排山邱三十自
負當通侯那知命宮落磨蝎儒衫一著長窮愁羅友送人
鬼輒笑杜陵拾橡飢難瘳東來軍鼓過霹列妖氛如山不

可過重圍屢犯留頑軀八口相依僅偷活男兒虎鼠任自
為生也值此將安施凍鴉口噤僵蚋伏發伸頸聲當何時孤
村寄居一間屋日落門前鬼磷綠相逢不暇愁飢寒握臂
有時互歌哭丁君歷落頗好奇沈郎玉立蓬萊姿空山共
卧發悲憤夜叫閭闔天無辭蒺藜徧地箭滿眼跬步便有
千嶽崎黃皮袴褶雪色鋌奮身安得隨戎旃秋風里萬破
高浪與君共駕橫海船

壬戌十一月二十七日大軍由海道臨境夷兵先驅

皆華人而夷其服號花頭甚桀驁大肆掠松溪尤

甚還是篇

怒角號天鷲白日無晶光有兵從東來百隊排旂槍纏蹠
裹其首鶻服西夷裝大帥騎白馬鬣鬣圓睛黃莪莪珊瑚
冠獅袍明赤霜茲來為殺賊意氣何飛揚窮民喜其來竭
蹶進酒漿大戶喜其來宰牛傾儲糧中軍令忽下駐兵需
民房黃昏鼓聲動驅人如驅羊鞭撻到哀幼搜羅窮棍襠
明火燒楯檻掘地摧垣墻凌晨兵啟行雀步爭跳踉後車

載金資戰馬馱紅妝兵去哭聲聚告語摧中腸汝曹且勿
哭賊在身將戕兵為極民來驕悍固所當矧茲武怒勢詎
畏螳臂張神槍發颶火辟列聲礮礮但願剷其壕殺盡豺
與狼吾儕得安卧寒餓庸何傷

官軍攻城不克賊復出殺掠由松溪走陶里

昨夜官軍過空廬賸四壁今朝賊騎來焚殺怒所激餘民
僅殘喘逃竄亦無力倉皇登敗舟遑慮遭傾溺西山何崔
嵬孤村頗幽寂是時朔氣凜雪厚同雲塞刺冰瘃肌開觸

樹凍軀踏瑟縮寄破廡艱苦咽膚焚居安多強親患難無
密威歲暮恥千人嗒卧看山色

居陶里旬日賊又至挈眷避海上旋復夜走蓬萊山

麓投沈表兄

白日慘欲死天陰雲四垂曉聞吹螺聲賊騎西邊來頗聞
官軍盛號令行風雷小挫氣復振連戰薄其圍如何此窮
寇恣此兇毒為我來即踵至禍患如相隨黃沙莽無際波
濤高崔嵬陰風利如刀颯颯搖荒萊窮海賊所棄趨之母

徘徊打頭賃茅屋眠坐雜蛟夔
熨膚難枯蓬果腹饒荒荻
居人數十家頗復相憐哀
惠然分枳屑一合珍瓊瑰
黃昏水鬼出碧眼來相窺
夜半聞濤聲急鼓驚喧
明朝賊果至環塘旂如挽
怒馬若虎豹長刀白皚皚
搜索到桌縷斬殺供嘻哈
天寒雨正惡路滑愁傾頽
母妻共兒女相結行纍纍
行行向山麓一蹶首一迴
登隄幸晴霽暗月生微輝
遠疑溪畔石狙獸張其頰
又訝老樹立橫刀來于思
問塗道旁客歌卧知伊誰
就視新死人刀痕交兩顙
心搖股復

戰步急足莫開趨
趨夜過半燈光見
林隈橋橫識孤柳
徑曲臨幽湄欵門
各相慰驚定還復
悲人生罹患難得
止即為歸

癸亥正月二十六日官軍復越郡偕朱博山之瑗別

駕丁仲泉入城感賦

長街非復昔時香
畫角聲聲暗夕陽
花落池臺微有迹
燕歸玉謝已無堂
旂翻兵氣天疑雨
馬踏春泥草不芳
差喜羆狼驅漸遠
眼明時見舊冠裳

記所見二首

古松僵眠焦土紫角折鱗摧墮龍死危梁中斷行人無野
風吹起荒溝水溝邊老血痕慘青洞蛇呬舌餐餘腥髑髏
雪色枯無肉眼眼眶填泥草如鏃樹頭啞啞老鴉哭夕陽慘
澹孤光綠

暗雲不放涼瞻吐糝糊慘粉宵痕苦切切枯桑作人語箬
陰碧火秋螢雨汝曹新鬼誠可憐手提血顱紅未乾雨淋
白骨散秋草寒烟紙蝶飛來少酸風一縷掠花去花底當

年歌舞處

卷三

憶昔行示吳君

憶昔十五二十時狂游那慮旁人嗤與君相逢各跳盪驚
飛蛺蝶無定枝春城快馬走如電打球弄戟無不為寶釵
樓頭夜飲酒黃金巨羅捧纖手豔歌伊嗶聽不慣自搗羯
鼓春雷吼牡丹雙燭玻璃鐙倒映餅花紅如斗安陽博徒
來何遲明朝相約臨前墀梟盧一唱輒成采孤注百萬奚
肯辭三十無成豪氣挫自笑為儒計原左憤淚幾滴劉蕢

祠驪筵久絕紫雲坐千戈歷盡身不死寸步千艱困寒餓
天陰雨冷風絲絲道旁逢君雙涕垂手輒足繭容色慘無
復當日軒軒儀我貧正坐讀書耳君學賈者胡亦斯乃知
世路真嶮崎嗚呼乃知世路真嶮崎君乎不如忍飢歸卧
關茅茨

閒詠

真成雖與地俱無貧始謀生計已疏珠履人方矜遇合儒
冠我未恨頭顱檢書女代知詩婢澆菜身兼汲水奴滿眼

浮塵嬾登歷畫屏添幅卧游圖

陳明經齋中觀宋徽宗畫鷹

襪白羽霜稜秋精光袞綠橫雙眸銅絲翠曳赤龍柱勢
欲決起身繫留我來披圖暑正酷滿堂肅肅西風道宣和
小璽識御筆紅窠猶濕桃花油想當鋪牋弄銀管秘殿寂
寂花香柔紅妝內人沉金屑錦衣阿監擎脂甌圖成往往
加題字寶墨道麗排銀鈎書林畫苑作娛樂興來更擬蓬
萊游燕雲烽惡等閒耳江山那足煩宸憂臣京臣貫輔左

浮塵嬾登歷畫屏添幅卧游圖

陳明經齋中觀宋徽宗畫鷹

繡襪白羽霜稜秋精光袞綠橫雙眸銅絲翠曳赤龍柱勢
欲決起身繫留我來披圖暑正酷滿堂肅肅西風道宣和
小璽識御筆紅窠猶濕桃花油想當鋪牋弄銀管秘殿寂
寂花香柔紅妝內人沉金屑錦衣阿監擎脂甌圖成往往
加題字寶墨道麗排銀鈎書林畫苑作娛樂興來更擬蓬
萊游燕雲烽惡等閒耳江山那足煩宸憂臣京臣貫輔左

繡
應改作
條

右陰奸乃與狐鼠伴鷹揚有武既莫奮鷹鷂之逐還悠悠
吁嗟乎國五城寒颼颼圓廬擅帳霜華流胡兒臂鷹狐白
裘呼風日日馳林邱傷心記否深宮日金粉淒涼畫筆愁

畚秋伊病後見懷

圖

多時不見秦淮海一紙飛來迴出塵秋半園林清似水病
餘詩句瘦于人斜陽落葉蟬聲老午夜西風雁語新早晚
東籬報花發相期屐齒破苔茵

宵詠

杜郎疏放惹閒愁幾度新詩綺閣留一點秋燈紅似豆瀟
瀟涼雨夢揚州

夢裏尋芳覺後疑餅花香氣細于絲分明翠帳人初醒
茉莉梁欲墮時

九日步郊外野老胡姓者邀登其家小樓因成此詩
近水危樓倚翠簷登臨也算上高岡青山落木開詩壘荒
草寒烟弔戰場歷劫此身成百鍊感懷前度負重陽狂來
莫恨難賒酒野老殷勤茗正香

陶里俞氏小園去冬余避地寓居以外家族姓曾一
再過焉秋日偶詣之主人已謝世見其老母悽愴

可憐感賦

秋老空庭木葉飛依然湖水映柴扉
雪泥我未忘鴻印華表人難化鶴歸
細雨寒花縈舊夢青裾白髮對斜暉
窮途一慟滄桑後到此難禁淚染衣

冬日偕孫彥清

德祖

何銀湖

鏡源

裘竹安

胡雨

予陶

鈞

下榻廣仁寺樓竹安精禪理妙議時發即

事賦此因以為贈

真幸西南乍得朋
寺樓同在白雲層
茶烟涼月評詩榻
花影疎簾話雨燈
寄跡漫憐泥上爪
焚香且學定中僧
木魚隨處清修好
未用名山苦擔簦

譚禪詎用溯甌甌
龍象輸君箇裏求
貝葉經文千卷熟
梅花標格幾生修
叅來妙諦人誰悟
話到摩登我尚愁
夜半鐘聲清徹耳
心源同印月明樓

酬孫子九垓丈見贈之作

洗盡箏琶耳忽來江上琴文章推老手烽火鍊詩心以我
獨吟苦感君相賞深陽春不辭和情極為知音

聞人話西湖感賦

書

虎林山水窟西湖甲天下我昔縱秋獮幽探健腰髀烟景
含萬變墨妙不可寫歸來每相思清夢落湖舸鼙鼓動地
來高烽燭原野青山遮妖旂碧流飲賊馬逢人輒問訊清
淚墮盈把寺閣成邱墟樹石半傾墜斷柳夜雨泣老葑寒
雲鎖故徑尋已迷新禽來亦寡名區數百年晏然絕兵火

山靈今何辜。選此芟屠禍。安得埽腥氛。排榛葺老瓦。敢期
林館復。稍覺烟霞妥。便當往結茅。飲泔餓亦可。

喜聞官軍克復蘇州

畫角吹殘陣氣平。凱歌聲徹闔城飛。花淚濺三年血。細
柳功收百戰兵。鶻眼將軍經武畧。鴉兒節度出羣英。摩崖
應有涪溪筆。一頌中興擬已成。

雕旂百隊走雄師。重憶妖星燼地時。望眼青山江國恨。感
懷諸將少陵詩。乍傳克敵金城復。尚望禽王鐵騎馳。氛祲

東南應亟掃羣黎回首尚瘡痍

碧闌六首

玉臺麗製樊南艷辭寄思遐深風騷不遠香奩疑
雨為下駟矣僕本多愁嗜尋厥旨况乎傷舊寤之
如塵思美人兮不見漢臯之佩虛解藍田之玉莫
尋華巖墮劫知羅袂之成烟梵天相期亦金樓之
幻念抒其幽思成此六章不無累德之言畧異淫
哇之響格卑韻淺猶多愧焉

碧闌十二繞花陰
月底銀泥麝細侵
井上梧桐期待老
江南蓮蕩本同心
鑄來小字羅纓玉
題到香詞翠帶金
不分
盲風吹夢斷瓊扉
路迴桂堂深

鏡約無憑鵲語遲
幾將鳳紙寫相思
柳枝紅豆添新曲
竹馬青梅憶小時
錦瑟華年春黯黯
金蘭香閣雨絲絲
芙蓉
隱語分明記愁絕
重簾窳地垂

風吹別淚上羅襟
從此蓬山遠莫尋
小院秋星金鈿冷
洞房殘燭紫簫沈
魚游已失蓮西北
鶯語虛傳柳淺深
屈戌

銅魚纔幾日已看悽碧暗塵侵

寂寥心事泣殘春
款款香盟記尚真
明月漫迎桃葉扇
落花空待鬱金人
玉璫遠札羈鴻羽
繡領餘芳怨麝塵
九子鸞釵千蝶帳
更從何處證蘭因

黃姑織女望西東
銀漢波狂溢碧空
未必姮娥真入月
何曾飛燕解凌風
零花滿地春無主
暗雨漫天夢未通
惆悵玉牋何計達
菱枝渺渺逐孤蓬

漫憶紅羅結繡紋
悔裁白絹製中裙
畫屏黯淡燈前髻
珠

銅魚纔幾日已看悽碧暗塵侵

銅魚纔幾日已看悽碧暗塵侵

寂寥心事泣殘春款款香盟記尚真明月漫迎桃葉扇落

花空待鬱金人玉璫遠札羈鴻羽繡領餘芳怨麝塵九子

鸞釵千蝶帳更從何處證蘭因

黃姑織女望西東銀漢波狂溢碧空未必姮娥真入月何

曾飛燕鮮凌風零花滿地春無主暗雨漫天夢未通惆悵

玉牋何計達菱枝渺渺逐孤蓬

漫憶紅羅結繡紋悔裁白絹製中裙畫屏黯淡燈前髻珠

箔荒唐海上雲春色已隨塵劫盡夕鑪會借戒香熏金經
學得清修法綺業年來懺悔勤

印泥聯句

為農幸識字近墨亦近朱寸土開火齊秦樹 鈺艷色珍璠

與猩雲搗麝活壽鶴頂徵丹腴百鍊花甕功鈺九轉紅玉

膚油香鬱金沁壽合小玻璃儲工溯求艾時製憶搏沙初

盾日花邊炙鈺葛砂盤中鋪稽爐煨絳霞裴杵捶紅芙融

成燦若錦壽擎出輝如茶小試炫戔帛新樣鈐胡盧裁書

緘賴爾識畫光增吾爪蹟感鴻雪 銛
血色映龜趺頰蚪盤
蠟窩赤鳳翔瑤圖牋粉守宮灼鼎篆秋霓紆勤翻詎憚數
壽
古語良非誣奪彼扶桑華快此科斗摹會續漢譜成寶

氣騰珊瑚 銛

浙江圖

曼雅堂詩卷之三

浙江圖書館

此美想是甲子

縵雅堂詩卷之四

山陰王詒壽眉叔

同孫子九咳夜話感賦

峭風冷逼夜堂檠
幾撫吳鉤話不平
舉世輕才憐薄俗
危時憂國到書生
艱難家計貧堪病
孤憤文章老更成
一曲悲歌雙短鬢
那堪相對各吞聲

鏡裏羞看老大顏
青袍愁搵淚潛潛
讀騷誰送花邊酒
結屋空懷畫裏山
子九嘗欲結廬謝墅苦無資
畫退宜堂第一第二圖見志
婚嫁向平君

不易科名羅隱我尤艱何當素願麤酬了重話西旄興未

愜

不寐

伴人燈暈冷獨夜那勝情春淺寒猶駐愁多夢易驚五更

殘月色孤枕亂雞聲不覺窗痕白曉鐘花外鳴

左宗棠 宮保蔣益澧 方伯克復浙西喜賦四首

旌旆揚兵氣風雲出將才豈煩回紇助爭拜令公來陣合

身先士威行怒比雷浙西一千里取次剪蒿萊

聽說臨江戰連番血染袍風馳沙苑馬電閃赫連刀策為
禽王運心因撫士勞巍巍恢復績真並兩峯高

誅逆伸天討受降憐至誠江山仍勝概盜賊亦蒼生軍靜
弓刀肅城嚴號令明王師自仁勇風鶴不須驚

嗚咽錢塘水初消戰血紅流民圖鄭俠膏雨待郇公甲冑
三春解謳歌列郡同小儒慚弄筆擬看石銘功

讀葛壯節年譜題後

公名雲飛字凌臺山陰人官定海總兵道光二十

一年死夷人之難 贈提督 予謚壯節立祠興

龍山麓

七日七夜苦戰死定海總兵好男子洞胸浴血歸殘軀一

目稜稜電光紫

公苦戰七日 不顧俄中礮洞背 遂突圍出 立死 厓石上

手握刀作斫狀 賊帥呼之曰 好男子 真總兵及屍歸大營 猶擊其拳 一目怒視不瞑 公之將才本天

錫徽外雄威久無敵 巡海竿懸劇盜頭 題詩筆蘸公麼血

公任參將時 屢禽海盜 又工詩 軍中不廢吟咏 登壇脫有專制權 海濱一戰消腥

羶 援兵不發戰艦盡 吁嗟此役誰制牽 我欽忠節世無兩

曾詣祠堂拜遺象悲歌一曲長松號恍惚旌旂走靈爽一
編夜展孤燈明顏雲壓紙愁烟青大書轉戰授命事神刀
鐵甲如有聲即今干戈雖已韜中原未靖海水驕精忠耿
耿之氣今猶昔怒雷日夜驅銀濤

寶石歌用玉溪韓碑韻

集皋社作

蒼霞兀突含竒姿鬱蒸精氣娥與羲來觀步屨出龍瑞山
徑犖确頗不夷遠疑華蓮矗碧苔坐訝屋屋狙青罷獍龍
掀地角背裂巨靈豎指雲氣麾蚩尤戰敗牙骨墮遺於此

地誰敢持高約丈餘歲千萬母乃呵護煩靈旂粵若稽古
帝大禹南巡會計千官隨苗山巍巍駐征蹕魄懾魍魎逃
羆貔旌旆合沓萬玉帛黻冕羣拜帝不訾其時此石在何
所想曾聽彼賡颺辭腥痕或染後至血防風雖強徒爾為
金簡寶玉輝相映絨書製匱誰職司一朝翠華向天邁從
臣攀龍髯脫頭隱憂昏塾溯功烈感德涕淚交淋漓懸墜
此石即為窆葬歌誦徹猗南詩林木百物列不改石亦屹
立臨前墀渾然豐下銳其形上模頗異岫巉碑一穴類紐

非葵首想像緋紉蟠蛟螭或云衣冠埋其下此說可信非
偏私不知何年石中斷膠漆一線為醫治拔山健兒力所
致調語難服人心脾惜哉題識滅篆籀坐令傳聞紛異辭
摩挲太息憬古昔徧閱哀亂還恬熙山輾泥輶事久渺雍
穆劍佩胡可追高亭翼然與覆蔽觀此烏可忘胼胝即今
山河石同古萬年永奠平成基

東皋兒篇

匹夫本無罪懷璧乃有殃人生獲利驟反覺非吉祥不見

東皋兒挑菜春風香春風雨初過苔甃歌敗墻燦然見朱
提不知誰所藏解衣負荷歸蹒跚步不疾望門呼阿母纍
纍此何物阿母方倚門心識此是銀乍見不知喜本立癡
心神鄰里聞兒呼來觀倏磨集行人聞兒呼停鳥堵墻立
欺此孤且弱公然肆劫襲人散銀已無兒母相對泣夜聞
打門聲洶洶何訇訇云是府中吏奉符如雷霆此銀乃官
窖當須官中呈長跪告府吏銀盡難復得隻雞為公壽將
出淚如織吏怒何信信倒篋翻枕茵亦有簪與珥納懷誰

敢嘆亦有衣與裙拋擲同灰塵天明吏始去母哭兒吽號
皇天遠無耳號哭亦徒勞嗟此戔戔銀禍若烈火燒螳螂
得鳴蟬適與黃雀遭飛燕銜食歸蛇來破其巢福兮禍所
倚豈復有定時所以賢者心勿為得失移物理有如此請

觀東臯兒

經故居遺址有感兼哭秋帆

浩從叔

依稀門徑抱清流無復藏書柳外樓三載兵戈新歷劫一
家踪跡尚浮舟斜陽舊夢堂前燕細雨空江舍北鷗更撫

竹林增一慟傷心人去酒壚收

難把煩冤訴九閻壘荒地總聲吞青山誰葬燒餘骨黑

月空歸血污魂詎有文章留舊跡

叔工制義稿皆散失

倍因衰薄感

寒門大招賦罷淒涼句蔓草荒原日易昏

叔與其弟葭村浚叔同時被虜

先後死道中

送石孝廉

佩緘

赴江北戎幕

浩歌擊筑壯懷開節鉞遙瞻上將臺多難每教違素願為

儒豈合困斯才長風海國輕帆過

君行由海道

曉日軍門匹馬

來玉殘蒲桃應早待張前鏡吹怒如雷

一曲驪歌起暮愁東南氛祲未全收十年詞賦憐王粲晚
歲功名說馬周大羽黃雲看射虎秋笳紅燭憶盟鷗肩頭
應有揮餘墨憑草新詩寄舊游

哭丁仲泉

那得巫咸下召遲問天天意更誰知空懷鳳閣簪毫願不
見龍門選士時華表難歸丁令鶴浮生愁詠輞川詩無端
一病成長往欲拜靈筵意尚疑

不須哀笛感山陽，畧憶生平淚萬行。
世亂氣猶吞海宇，數奇天亦妬文章。
一生已被儒冠悞，九死偏難結習忘。
爪通眉心血盡更，憐無處覓奚囊。

曹山紀游詩

選幽命儔侶，放舟凌晨風。延覽不覺遠，溪轉江漸窮。
飛翠撲眉宇，迎眼羅芙蓉。何年巨靈斧，鑿石開鴻濛。
岩巖齧襍竒，窈窕相撞舂。青蒸鬱雲氣，得非龍所宮。
誰能潑烟墨，寫此靈竒蹤。

山根忽豁斫洞堂，窅然闢危石如守門。疎劍拱而立，泉清
屈曲通舟輕。迤邐入衣色，染古苔心神悸。巉壁大魚龍未
成，聞聲有時出，不敢發狂吟。風雷隨咫尺。

言尋石簣蹟來訪，青棘園法堂。靜鐘鼓涼樹，無塵喧方池。
水如鏡，翠峽藏靈源。曾厓屋後翳幽窈，忘朝昏。捫碑撥烟
莽，剔句搜雲根。恐為山靈笑，呼僮開芳尊。題名掃蘚石字
怪蛟蛟奔。

怪石開穹廬，摩空凜鐵色。層臺隔竹見，仄徑穿蘿得。山禽

驚人聲紛飛，小予葉繞屐。松濤喧濕衣，鐘乳滴人間。暑不到孤雲，媚幽壁。

清唄何處來，竹林隱烟寺。尋幽隨白雲，苔滑步難肆。危樓俯蒼巘，崩崖鬱陰翠。潭清神物潛，引杖奚敢試。山迴日易斜，樹偃風益恣。嘯作鸞鳳吟，凌虛展霞思。

細棧縈旋螺，步步豁幽境。屏風九疊張，天馬半空騁。山骨何嶢嶢，簌簌竦翠筍。五丁扛磐石，如雲覆其頂。下有一勺泉，碧色湛秋茗。我來暑正酷，愛此清且冷。掬手陰磴間，未

吸意先盡披襟起遐瞰天風散林影

絕頂矗雲構石壁周四圍因尋舊題跡來歎烟中扉夕陽
興未徂僕夫來催歸垂藤罨我笠飛瀑濺我衣松籟動陰
壑鐘聲深翠微孤鶻如送入磔磔盤空飛何當展秋約踏
月重探竒

有懷

漫喜抽身虎豹叢浮雲幻態本來工一舟歸計輸張翰萬
里傷心哭鄭公未必

聖朝慳雨露誰憐末路困英雄為君斫斷哀歌劍鋸淚臨
風灑未窮

借幼眉蝶庵夜話感觸成句

綺攏深護柳絲絲花倚衫痕酒滿卮半臂薄寒禁未得焙
茶天氣晚風時

那得蛟珠十斛量西風吹散鬱金香秋衾夢冷花陰薄紅
淚年年感杜郎

綠陰如夢翳蒼苔空寫紅牋寄鏡臺一曲銷魂桃葉渡秋

聖朝慳雨露誰憐末路困英雄為君斫斷哀歌劍鉛淚臨
風灑未窮

借幼眉蝶庵夜話感觸成句

綺櫳深護柳絲絲花倚衫痕酒滿卮半臂薄寒禁未得焙
茶天氣晚風時

那得蛟珠十斛量西風吹散鬱金香秋衾夢冷花陰薄紅
淚年年感杜郎

綠陰如夢翳蒼苔空寫紅牋寄鏡臺一曲銷魂桃葉渡秋

蛟宜作鮫

風雙槳載愁回

水調歌成許定情當筵重撥雁頭箏羅郎落魄雲英老迴
首妝樓似隔生

化蝶青陵亦枉然香桃弱骨早成烟吟魂長願宵來幻花
月紅窗綺夢圓

題王孟調 呈誠明經西鳧殘草兼粟子九郎放孟調

體

靈璣導雲瑤宇闢神虬銜銜嚼霞赤通眉仙人黃玉冠來

下塵寰作詩傑麒麟小篆青誥妍元精鬱結羅星躔錦囊
在腹不用負心血迸作真珠圓龍媒苦逐牛車走伏蚓鳴
鳴笑夔吼玉血愁凝楚璞斑破帽臨岐馬如狗踏塵悔作
人間游二十餘載空煩憂紫氅老仙招手笑吹笙天女聲
幽脩振衣雲華歸玉樓遺詩零落無人收冷芸鑱笈賸寸
壁涵中幸免荒僮投南山綠死脫葉飛破氈寂兀愁難醫
開編靈襟忽展拓八音會耳十色迷明蟾綃管冰絲絮鶯
管呼鸞畚蘭語銅虹花墮瓊漏沈鳳憂涼簪坐幽女洪鐘

下塵寰作詩傑麒麟小篆青誥妍元精鬱結羅星躔錦囊
在腹不用負心血迸作真珠圓龍媒苦逐牛車走伏蚓鳴
嗚笑夔吼玉血愁凝楚璞斑破帽臨歧馬如狗踏塵悔作
人間游二十餘載空煩憂紫氅老仙招手笑吹笙天女聲
幽脩振衣雲華歸玉樓遺詩零落無人收冷芸鑱笈賸寸
璧涵中幸免荒倉投南山絲死脫葉飛破氈寂兀愁難醫
開編靈襟忽展拓八音會耳十色迷明蟾綃管冰絲絮鶯
管呼鸞畚蘭語銅虹花墮瓊漏沈鳳憂涼簪坐幽女洪鐘

爛
應改作爛

陟發龍伯宮脂魂椒魄驅如風青鱗裂匣作虎吼寶氣夜
燭乾坤紅悲聲誰和漸離筑淚凝銀光媚秋墨霽淞塞雨
老雁啼寒角呀呀譜哀曲爛斑古色相錯陳鏡蝓暗孕秦
時春盤雷銅鼓鬆莎紫翠鼎篆結雲疇文此才仙鬼兼陳
芳虬蟄膽落走且僵惜哉有才不竟用碧天一去空相望
題詩自愧格不蒼蒼蟲切切號鯨霜紫髯孫郎才可當裂
牋刻燭曾頡頏觸緒會憶長爪郎白蛇桐碎雙涕滂悲峨
和以瑤華章

禊興

鳴蟬飲涼露樹高任婆娑游蜂貪覓食動為蛛網羅人生
貴澹泊疏水誰譏訶養心身則腴味道理不頗慕羶亦何
樂營勞生煩疴願言約同志結屋南山阿共食黃精飯果

腹相高歌

磊磊南山石元氣為之根風雨相剝蝕湍流為激吞雖無
匠人鑿久亦成窪痕人生非石固精氣葆則存胡以一寸
心縈此千憂煩浮軀恣劇伐得不凋令顏勉哉幸自適用

養長年源

千金買良玉一碎難復緝引鉏破土塊一雨還其質良玉
豈不貴土塊誰所恤德尊勢轉危體柔少所絀是以君子
心謹身恒慄慄無令偶念乖坐使前修失

孤鴻何處來嗷嗷如道飢汝謀為稻梁辛苦南天飛江邊
豈乏食水清菰米肥羣趨恣飲啄果腹翔以嬉豈其失儔
侶而為衆所欺擲食與孤鴻不食但哀嘶我無繒與繳何
必相猜疑前村有弋人設食張其機忍飢勿下集世路多

養長年源

千金買良玉一碎難復緝引鉏破土塊一雨還其質良玉
豈不貴土塊誰所恤德尊勢轉危體柔少所絀是以君子
心謹身恒慄慄無令偶念乖坐使前修失

孤鴻何處來嗷嗷如道飢汝謀為稻梁辛苦南天飛江邊
豈乏食水清菰米肥羣趨恣飲啄果腹翔以嬉豈其失儔
侶而為衆所欺擲食與孤鴻不食但哀嘶我無繒與繳何
必相猜疑前村有弋人設食張其機忍飢勿下集世路多

繒宜改作繒

險巖

同人集寄龕分詠得酒燈

細瀉龍頭酒閒桃雁足
檠疏風市樓笛涼月妓堂箏看劍
光爭豔論文味共清
不堪臨別飲花炮送將行

送佩絨入蜀

愁聽天邊老雁聲
年年萍梗感浮生
一官未遂登臺願
萬里真憐盡室行
書劍秋風仍作客
關河轉戰乍休兵
臨岐莫唱青蓮曲
前路於今已坦平

寄曹文孺壽銘大令

文物年來感逝波，輸君詞賦繼江何。
湘東金管知名早，公瑾醅醪得友多。
四坐春風爭問字，五陵同學幾鳴珂。
窮猿不作投林計，手拭雄龍氣未磨。

寓窗燈影照溪灣，記得論心數往還。
榻管每隣生計拙，著

鞭真畏世途艱，蘋花湘水秋來雨。
楓葉西村夢裏山。

君居蕭山

湘湖之濱地名西村

竟欲相從共清詠，茗甌詩卷破愁顏。

即事

乍喜天心轉羣欽

主德明官曹各才傑盜賊敢橫行海上兵初散江南稅漸

輕亟將山郡撫休更苦蒼生

時台川民滋事

過斗門鎮

紅葉蕭蕭拂酒帘人家樓閣倚江邊半街晴日籠鷺市一

簾香風販橘船服食漸安商賈業兵戈重憶亂離年竹林

盡處西山寺焦土猶餘劫裏烟

入秋以來頗興右文之政權太守顧淡如

菊生

觀察

又賢能越郡一治機也喜賦

渤海風誰繼文翁化欲行民知儒服重吏畏長官清草木
三年淚雲霓萬戶情道州詩倘賦屬和有諸生

子九以孫茗玉夫人貽硯齋詩貽長女綺並勝以詩

走筆報謝

蘭茗翡翠燦生光珍重吟閨一瓣香為報詩情剛會得亂

山流水對斜陽

夫人夕陽詩有流水杳然去
亂山相向愁一聯為世傳誦

差喜栽花無俗骨敢云詠絮有清才如何纔學霓裳笛便

引天風環佩來

綺女題長生殿詩云綠荷香裏綺窗開水殿聲聲羯鼓催最是霓裳新譜就玉妃親

教內人來子九見而激賞之因有是貽

幾回問字讀新篇上口琅琅語欲仙知比阿翁詩更好自

裁翠轂護花牋

高吟不見西河老都講猶傳弟子名倘許傳經容不櫛絳

紗應拜鄭康成

舟中

愁心逐落葉孤艇夜如何殘月白于雪大江寒不波村荒

浙江圖書館

厖吠少天聞雁聲多不及榜師樂掉頭時一歌

娛園新築書堂落成歌

集皋社作

我不羨麒麟步金臺亦不羨鳳皇巢阿閣惟思小築花邊
堂掃地焚香足娛樂十年此志未能遂放眼江山失寥廓
秦君靜者意有餘栽雲種石吟且飲前年拓園供舞綵今
年築堂便讀書緣溪不讓玉山靜背郭詎羨江館舒興來
開徑集儔好佳日置酒臨前除是時冬暄得春早綠萼已
迸梅花株寒香吹入酒波黃酒酣聽我歌慨慷丈夫埽除

陋一室此言矯飾非中藏嗟余舊廬本湫隘雞闌烟突書
惟旁西枝擬尋十笏地別具茶竈張吟牀豺虎紛紛忽滿
眼風塵瀕洞天無光瓜牛已燼孝然舍巢燕空思杜老堂
季雅卜隣那復得伯鸞賃廡徒自傷惜哉秦君之堂非廣
厦庇人有願吁難償安得華嚴彈指見樓閣萬間兀突凌
青蒼吾儕安居共席硯捐茅不怕秋風狂嗚呼書堂之歌
只如此池鷗夢墮烟微茫

江村

江岸林疏處江村歲暮時樓高風入剝檐迴雪消遲骨瘦
寒猶耐身閒貧不辭銅餅有清供折得老梅枝

題趙忠節公吉光片羽集 並序

公諱景賢字竹生湖州人粵匪肆逆以團練守城

功 晉秩廉訪壬戌五月糧盡賊圍湖州城者十

餘萬援兵不至城遂陷公被執至蘇州逆酋雅重

公欲降之執禮甚恭公不為動餉以酒輒飲醉則

抗聲罵凡十閱月不得死日為詩時錢唐溫次言

汝超

會稽褚鏡湖

繼曾

皆被虜與公唱和頗多矣

亥三月兩君得脫并携公詩而公在賊中罵益烈

賊知其終不屈也遂於是月十八日遇害事聞

上震悼

贈巡撫

予謚

優卹有加焉今

秋次言刻公賊中所得詩文為吉光片羽集郵寄

來越因題四律

江

五載登陴力已殫危城落日將壇寒睢陽戰苦鳴笳急信

國忠孤伏劍難滿目烽烟新歲月

賊改正朔公詩云莽家歲月都顛倒

側身

天地漢衣冠丹心早化山頭石鼠輩何須著意看

東南千里長蒿萊莽莽妖氛慘不開白日龍蛇驕大澤秋
風麋鹿走荒臺戴頭應識孤臣在殺賊誰提突騎來把酒
高歌兼慟哭河山辜負出羣才

虛將十萬劍橫磨忍死還教感慨多濺淚鶯花迷故國橫
空風雨挾悲歌弓刀夜雪寒持節旂鼓春城夢挽戈克敵
禽王都已矣蒼雲回首恨如何

馬革何煩更畏屍前驅厲鬼颯靈旂黃雲萬里呼天恨碧

血千秋畫壁詞生有雄心吞逆賊死應毅魄待王師

鼓鼙聲裏英風在會見西平入蔡時

李宮保鴻章克復蘇州距公死節時裁十

餘日

風雪中登北城展眺

古堞亂山邊登臨屐齒偏危樓間鼓角大雪暗江天莽莽

雲蒸樹冥冥野渡烟犯寒蓑笠重出郭幾歸船

舟中看梅尉山

緩棹看山色蕭森入短吟晚峯花外遠寒磬雪中深石凍

溪應澀樹重烟欲沈
仙人在何處披髮弄孤琴

讀漢書霍去病傳

一例椒房得寵先
衛青未及主恩偏
冠軍早下褒功詔
選將曾聞出塞年
亦有威聲驚瀚海
獨教高塚象祁連
男兒竅重封侯骨
漫說當時李廣賢

桔槔聯句

集皋社作

孟夏麩麥老新秧
亦盈把雲容苦不雨

孫垓

溝澮限蹄洑

尺土圻而堅

石佩絨

寸波霑宜渥臨流布機器

壽

蔽日張

淵按把字係握字之誤

溪應澀樹重烟欲沈
仙人在何處披髮弄孤琴

讀漢書霍去病傳

一例椒房得寵先
衛青未及主恩偏
冠軍早下褒功詔
選將曾聞出塞年
亦有威聲驚瀚海
獨教高塚象祁連
男兒竅重封侯骨
漫說當時李廣賢

桔槔聯句

集皋社作

孟夏麩麥老新秧亦盈
把雲容苦不雨孫垓溝澮限蹄洑

尺土圻而堅

石佩緘

寸波霑宜渥臨流布機器

壽

蔽日張

藁幄中立人影浮秦樹銛 聯銜木節錯偃蹇龍首昂馬賡

良 縱橫鹿足摘尋丈蛻龍骨咳 絡索串龜殼千口吸巨川

絨 百折激晴電瀾翻訝夔吼壽 腸轉類腔綽胠足奚憚煩

銛 憑虛乃如躍日暴水沸午良 溜駛界變昨風薰來踏歌

咳 耕深助錢鑄飛架象秋千絨 張水走笙樂梯眠便步翔

壽 軸轉濟苗涸渠硯功到成銛 罅恐雷旁落小歇野氣靜

良 橫山面前閣幽意過客戀咳 清思汲轡作落日曰歸可

絨 餘波尚噴薄起蟄潛蛟如壽 挂樹青雀若甘澍願常施

銘
足免隴頭託良

糟牀聯句

館

廣庭布釀具

孫垓

酒國侈殷當春雨魂花蘇

石佩緘

真珠

甕香逗囊帛非漉中

壽

瀉籥乍懸溜架石柁轉聲

秦樹鈺

約版籬留竇

畫

靜駭擊竹

垓

宵沈暗滴漏不斷鐘乳垂

緘

力壓蔗漿透層累轟壁立

壽

安設防車覆方外而積中

鈺

出新乃遺舊措脚勿須龜

垓

負重若狙獸麴生一夢沈

緘

竈婢六時守枕籍芳味酣

壽

橫陳秣花繡營此邱胡為

鈺

慕羶客偏就觸頭畢卓倒咳流涎汝陽迨風醺思坐聯絨

錢繞想醪售攤飯製憶初壽量泉煮宜候百尺元龍豪鈔

千日華山壽幕天坦劉伶咳護玉寐甘后奇器帝或惡絨

嘉饗功斯奏撥雲開甜鄉壽逆鼻叅蘭臭藏應斗石分鈔

大戶我將授咳

墨梅聯句

方几拂素二丈長孫咳興酣落筆隄麋香壽孤根崛起神

飛揚秦樹鈔鐵幹盤鬱冰骨撐咳元龍烏鳳森迴翔壽羅

慕羶客偏就觸頭畢卓倒咳流涎汝陽追風醺思坐聯絨

錢繞想醪售攤飯製憶初壽量泉煮宜候百尺元龍豪銛

千日華山壽幕天坦劉伶咳護玉寐甘后奇器帝或惡絨

嘉饗功斯奏撥雲開甜鄉壽逆鼻黍蘭臭藏應斗石兮銛

大戶我將授咳

墨梅聯句

方几拂素二丈長孫咳興酣落筆隄麋香壽孤根崛起神

飛揚秦樹銛鐵幹盤鬱冰骨撐咳元龍烏鳳森迴翔壽羅

江圖

浮仙子雲麾張銛縞袂散落天花涼垓霜團雪聚清且芳

壽千玉萬玉離奇光銛南枝北枝乍陰陽垓瞿曇卓錫石

作腸牽蘿美人古時妝壽太原翩翩曳鸛鶴公孫側舞昆

吾鋼銛按弓養由盤射場弄丸宜僚手不僵垓萼如素壁

攢雲肪蒂如金釘排阿房壽忽倒出如俯大荒復仰面如

朝玉皇銛如眠橫溪如窺墻如愁如怒如顛狂騎隊八門

錦七襄衆蠅孤蝶雙鴛鴦垓神珠應手月魄颺淋漓變化

無端相墨虬吸水精神強力擺坤軸聲礮壽六花紛積

堅可當林隙白透寒山蒼銛須臾管脫堆數箱頭濡麝汗

噴酒漿凝立不動收羽槍元氣磅礴根中央垓張之屏風

列高堂飛雀欲啄還傍徨酬以新詩五色芒化龍虞爾凌

天閭壽

寒夜論詩聯句

圖

周暮噤衆蟄安雲側紛鳥入肯貫物息孫垓枯習志儔好

研洩艱墨行壽心籌斬塵撓夕館氣函巖馬賡良月愚罅

騰皎咀雅溢孤論垓吹葩懋疾抱骨植鄙俗腴壽膚削鈎

典宵竒氣縮鼎鬼良靚飾斥蠶媯下天翼翕張垓吞霆齒

斲斲髓扶神血乾壽脊挾負波倒禪壁結古靜良空絲閃

微裊乏理繹屈緒垓鍊液抗潛藻機或鮫杼穿壽網乃蛛

心繅味澹果微諫良烟稀柳在槁倪繪榻管怯垓樂譚寄

諷窈寸鋤銳截壁壽尋黝默蘊寶險絕勢獨詣良簪盍境

同飽蓮意以苦隳垓松格自寒老蒼茂詎旦晚曩賢足研

考壽

打魚聯句

嚴霜三日霽氛埃邊郊野宵鑿飲百室孫垓寒儼罷方社

新筍水村熟曹壽冷滬老漁彩俯淵作健美蔡以提綱噪

眾裸結圍叢艤環壽排陣浪花簾腥風夏朝曦秦樹寒潮

騰午哆勢還蛟宮翻馬賡深測鯨窟巨萬鬚躍絮雲孫德

紛鱗激羽竒重重义挺交陶在漸漸纜最鎖烏鬼掠而西

垓垓蒼虬怒於下鳴榔鼓波立壽擲荃襍雪墮競獲轉詳

鈿以瑞盈載盛琛瑤尾頰力猶豎壽網脫潛或頗利藪遂

釣師樹餘鱉攪游舸祖登直抑市賡良釀啓佐宜鮓庭

嚴霜三日霽氛埃盪郊野宵鑿飲百室孫垓寒儼罷方社

新筍水村熟

曹壽銘

冷滬老漁彩俯淵作健美

蔡以瑋

提綱噪

衆裸結圍蔽艤環壽

排陣浪花簸腥風憂朝曠

秦樹銘

寒潮

騰午哆勢還蛟宮翻

馬賡良

深測鯨窟巨萬鬚躍絮雲

孫德祖

紛鱗激羽竒重重义挺交

陶在銘

漸漸纜最鎖烏鬼掠而西

垓垓蒼虬怒於下鳴榔鼓波立

壽銘

擲筌襍雪墮競獲轉詳

鈞以瑋

盈載盛璨瑤尾頰力猶豎

壽

網脫潛或頗利數遂

鈞師

樹鈞

餘鱻攫游舸租登直抑市

賡良

釀啓佐宜鮓庭

下霜字應以作露
苞亦宜作

懸戶所珍德祖柳貫杖可荷脆肉銀刀飛在銘饒涎便腹

果坎險憫物力孩剝生慘頤朶濫泗罟焚草壽銘漉波令

繩夏暴殄聖所哀以瑞詩續杜陵寫壽

剪橙聯句



蒼榭清溪路寒烟小雪時千橙供采擷孫孩雙剪趁蕃滋

苞錫揚州貢曹壽銘芬摘楚頌詞綻霜秋色老蔡以飽霜晚

香垂圓訝黃金鑄壽繁看翠幹支園官方權稅秦樹銘并鉸

快披枝梯駕愁芳墮馬賡良條寒眩實離四山傳脆響孫德祖

萬絹藉豪資珠走承筐競

陶在銘

苴裝打槩隨深房辭蒂熟

咳

選顆入懷遲矣市初論價

壽銘

齶齶早結思釘盤馨撲

坐

以瑞

佐酒豔流卮手擘憐衣薄

壽

飴甘說餅宜論功涼

肺病

樹銛

砭耳遲春期佳嗽儕聞荔

賡良

微酸劑越醫江

湖好風物

德祖

長共蟹螯持在銘

曼雅堂詩卷之四

萬捐藉豪資珠走承筐競

陶在銘

苴裝打槩隨深房辭蒂熟

垓

選顆入懷違吳市初論價

壽銘

薺薺早結思釘盤馨撲

坐

以瑞

佐酒豔流卮手擘憐衣薄

壽

飴甘說餅宜論功涼

肺病

樹銛

砭耳違春期佳嗽儕閩荔

賡良

微酸劑越醫江

湖好風物

德祖

長共蟹螯持

在銘

曼雅堂詩卷之四

著二字似有誤當是金蓋
二字記

縵雅堂詩卷之五 乙丑

山陰王詒壽翁

石佛寺

山骨含青蒼寒潭不可測
老龍睡未醒風潛洞堂黑雲深
覓累磴窟邃捫陰壁出幽驚
枝撐闕竒訝巉刻古佛瓔珞
垂崇蓮耀金色衣逼石氣寒
鳥潤泉流溢棲鷓怖人語掠
噴鼓霜翼俯瞰千丈強股栗
屢屏息對厓髯松懸芝草碧
始茁時聞靈禽語或有仙輶涉

大雪用坡公聚星堂韻

夜聞窗竹鳴乾葉曉起開門滿林雪雲團絮湧天色深徑
沒陂韜人蹟絕風欺敝帚掃還聚凍入吟髭撚屢折分無
錦帳醉普騰愁對烟光幻明滅南荒尚聞寇盜盛北風詭
兔弓刀掣鐵衣葉重膚欲冰戰血花明眼生纈坐思苦門
犯嚴威轉愛破廬穿墮屑試燈節已過笙歌映帷影尚憐
飄簷干人頗學袁老懶成詩欲覓坡翁說街前猶有無衣
人敢怨多年衾似鐵

次日子九幼眉彥清約集娛園風雪益甚不能赴再

用聚星堂韻

大者如手小落葉哀哀排空三日雪長河半壅龍工愁大
地無塵鴉點絕汲泉不辨山徑轉沽酒尤防屐齒折早期
良覲辰吟嘯翻學枯禪叅生滅溯溪誰遣清興阻逆艇頗
慮饕風掣園池坐想瓊樹交梅花稍見紅萼纈劇思醅酒
泛金波更愛清譚霏玉屑隔朝快擬墜歡補炙日轉愁消
影瞥雲深三徑門早關夜寂一鐙悶誰說沈沈戍鼓咽無

聲如意和冰憂寒鐵

第三日風雪小定買棹至娛園諸君出見待詩索和

三用聚星韻

竹枝倒地松垂葉老雅呀呀噪晴雪
炫屋初陽吞未生擘岸狂飈怒漸絕
理艇稍嫌畫楫重打冰未慮長柳折
預知掃烟開徑待頗笑到門懷刺滅
張琴示我新句成裂紙勞爾凍毫掣
想當隨風珠玉落互驚耀眼錦繡纈
已輸雅韻占風流肯緩商聲發
駭肩晚烟集霰更千點寒影映燈時

一瞥煖屋地鑪香細難短榻茗甌餅可說興來好共賦梅
花更鬥廣平心似鐵

偕文孺再過娛園作書

幾日危樓悵獨憑凌寒清興許同乘却移殘雪尋詩艇來
共疏簾話雨燈疏味夜禪桑落酒梅花春社竹溪朋是日集者
六何當再作聯吟約擘紙揮毫我尚能

夜雨論詩效韋蘇州體集皋社作

虛齋靜夜氣蕭然謝塵縛微雨滴檐花薄寒生池閣春韭

呼童翦歡言動清酌叩彈質賞心賡絃寄遙託一榻澹相
對風迴響孤析

習靜陋絃管性澹形跡忘寒聲動深竹共此疏燈光清言
繹微旨載誦風人章會得無絃趣抗懷追羲皇蘭氣時一
來悠然聞妙香

風雨登樓作

消息誰傳曉日紅更無啼鳥近簾櫳春寒柳市千家雨雲
暗紅樓十日風小艇慣隨波上下好山難辨屋西東嫩晴

不為花枝乞麥隴青青半水中

襍題射獵畫冊

白榆風逼鐵胎涼獵獵紅旂出射場馬上胡姬貌如玉手

撾銀鼓唱黃麾

圖

紅燈一騎走如雲虎血猶腥舊戰裙十里寒烟灞陵樹
風愁殺故將軍

萬山木落瘴雲開老雁驚飛四散哀一隊綵鷁搖箭箠黃
家洞裏黑幡來

居然兒女亦英雄
綺陣釵圍步伐工
小袖雲藍弓玉靶
桃花馬上射秋鴻

就北郭故居遺址結屋數十椽旁構草堂子九題曰

縵雅落成賦此奉柬並呈同社諸子

蠟粉墻低正及肩
矮闌杉戶亦蕭然
重開杜老臨江宅
莫

問淵明下涇田

予本有田一頃
亂後鬻之殆盡

仰屋人憐東郭卧
枕書我

愛北窗眠朱門一例
邱山感漫憶滄桑
話往年

名流為釀草堂資
詩老題名有勉辭
一代持衡歸大雅
百

年賡詠重

清時鶯花灑北春無恙壇坫江東我欲師布襪青鞵從此
始手敲銅鉢鬥新詞

書

湖上送沈叅軍即景成句

送別出江郭言循長短堤青山疏雨外孤磬亂流西暮靄
帶帆遠斜陽向客低覓巢雙燕子猶是掠花溪

春暮

野桃無力點晴波寒食清明次第過酒價漸低春釀熟筍

船初到市聲多東風芳草人盤馬
小雨楊花客渡河卻憶江南好
時節畫船衫影水如羅

晚次離渚

停舟傍花渚帆影隨花落斜景澹
遙波孤雲卷晴嶠靄靄晚市烟
悠悠野戍角何處打鐘聲長林倚
高閣

暨陽道中

晨發看衆山深翠萬重積窈窕越
累棧威紆循古陌雉鳴谷轉靜泉
流樹逾碧灼灼刺桐花瓏瓏映素
壁片雲風吹

來和香墮危幘

上嶺如牽舟下坡若奔馬輿夫腰脚健急步穿松櫟怒瀑
卷兩耳層崖絲欲瀉蒼烟掠面飛忽復在鳥下山花不知
名紅紫萬枝亞徑轉有人家花缺露苔瓦

雨脚從東來灑然滿林巒烟鬟澹如沐秀色洵可餐藤蘿
挂危障垂滴成微湍我行殊趑趄石滑苔色寒須臾漸晴
霽幽鳥振弱翰拂衣却山笠活翠飛眉端

薄霞斂夕霏輕雲散遙天溪漁濟野渡竹筏平于船入烟

漸以多茅屋牽蘿纏條桑絲宛宛緝草青芊芊迴嵐抱縣
城清笳聲悠然山行百里餘解帶松風前主人煮酒待不
用杖頭錢

奉酬孫翔伯人鳳封翁見贈 武林人

夙昔仰靈光論文共夜堂春風陪杖履夜雨感滄桑歷劫
身清健耽詩格老蒼無才愧相賞青眼唱玉郎

我亦耽佳句其如感慨何雲烟迷舊夢風雨起悲歌大雅

幾人在青山故國多 時翁倚居甬東 茅庵如結得真願對牀哦 翁贈

詩有擬結茅
庵對榻論句

過包義士戰處

碎瓦頽垣卧斷戈
春來行客怕經過
烟沈古柳鶯聲少
日落空林虎跡多
破塚野狐銜白骨
荒祠山鬼帶青蘿
最憐殘壘花如血
冤魄年年恨未磨

苧蘿溪

一舸鷓夷罷沼吳
天涯何處問菰蒲
苧蘿山下年年水
那有風波似五湖

自登陽遵水程返山陰舟人不敢夜行排悶有作

不是風濤阻行行意若何村荒人尚少兵散盜偏多客夢
五更警江程十里過起看殘夜月清影在山阿

雨泊西江與翔伯封翁夜話有懷杜明經

松根繫纜岸東頭篷底同斟老瓦甌宵鼓咽風孤戍暗大
江鳴雨一鐙秋琴尊北海懷前寢花月南都話後游可惜
劇譚豪興在清狂杜牧不同舟

水閣聽雨同子九秋伊彥青

越甌茶熟發新醅
琴薦香清鶴夢迴
矮檻恰宜人
小凭水南葉蓮送涼來

涼逼輕衫酒乍醒
疏燈簾影隔花汀
分明記得江南夜一

曲吳孃倚醉聽

王叔彝

慶勳

觀察招同人小集
解舍即席分韻得含

字

仲夏衆綠潤榴房
丹尚含展襟快良觀
廣和風所耽
主人騷雅主玉屑
霏清譚投分畧
簪被蘊竒畢叩探
几筵羅芳

臆佐以嬌黃柑巨羅金波豔佳趣生薄酣纖月媚遠林微
雲澹相涵詩成互傳賞疏風來花南

夜集楊漁賞 思振 司馬供藍子舍

茶鎗燈几夜堂幽塵尾頻揮醒夢鷗 下榻處有額曰涵夢涼處 清絕水

精窗外月一痕涼墮屋西頭

論詩未了又評花話到清游興轉賒惆悵秦孃船已去夜

深何處覓琵琶

是夕招歌者不至

浙

吟牋幾度擘文苔銅史聲沈曙鼓催怪底主人清不睡病

來詩骨瘦於梅

哭周雪甌

光祖太史

峨松節斷瑟無聲欲賦招魂百感生詩酒風流元亮社

後亂

同人結社東

皋君亦與焉人文月旦汝南評

掌教叢山書院

劇憐大雅偏消歇

倍憶中郎是老成一束生芻聊奠爾影堂殘蠟淚縱橫

搔首何須更問天遭家頻歲總顛連憂時涕淚凋青鬢經

亂琴書付劫烟羸博未消吳季恨

長君新歿

龍蛇偏厄鄭元年

西樓風景渾無恙

旬日前訪君竹生吟館曾共登西樓看山

何處山光是墓田

如有新詩上

御屏

主恩曾許住槐廳南孤孤事業傳周史東馬才名重漢庭萬

里風濤歸故國君航海歸里東同人詩幾年劍佩憶春星

病來一卧成綿悞回首齷稜暮靄青

一霎飛騰泡影看科名原不療飢寒獨醒豈必能回俗定

論居然到蓋棺有用文章傳世易無多賻贈撫孤難生平

猶有江東老手輯遺編淚未乾子九為輯其遺詩

感懷四首柬文孺

潦倒何論富貴遲窮猿身世獨支持讀騷每愧呼名士橫
槩真思學健兒一榻青山容傲骨十年短褐負

明時

國恩虛擬文章報落日登臺有所思

東南萬里陣雲開又報妖星壓將臺漕路烟塵迷遠輓戰
場風雨泣荒萊將軍已遣雲中出虜騎猶傳代北來誰翼
皇威清海岱朔方應有出羣才

誰遣陽侯裂水門呼天何計獲生存敢期發粟勞中使深
望蠲租出

帝恩野哭清宵愁黯黯橫流滄海雨昏昏瘡痍未復民重
困太息蒿萊亂後村

白雲萬變蔽晴空孤憤何須哭阮公走馬呼鷹殊廓落飲
醇近婦亦英雄獨憐浮世為儒拙空解哀時作賦工斗室
縱譚天下事相期良夜一尊同

偕文孺孫餘軒

福慶

明經蕭山道中作

夕陽斜墮一峯青
水閣蕭疏未上燈
十里湖烟涼欲雨
亂帆如葉下西陵

江隈初月上娟娟
遙遠聲中水接天
我有詩情誰畫得
暮衣人語柳橋船

不寐

山館息羣動開簾
夜氣幽葉輕依檻
墮螢暗隔花流月色
澹迎曙蟲聲涼帶秋
懷人兼得句高詠
孰為酬

午夜

涼風動簾幙午夜不勝情孤枕碧山夢殘燈秋雨聲長貧
身漸瘦經難氣全平早晚麤酬願清吟了此生

西陵舟中病甚

無奈西風冷昏燈伴寂寥愁心逐明月孤艇卧秋濤墟落
人聲靜江湖客夢飄病懷渾不耐况更夜迢迢

因病返棹旬日復赴虎林扁舟夜行有作

小間經旬病重循百五程艱難摧短鬢辛苦為微名夜雨
江船夢秋風戍鼓聲明朝飛渡處豁眼曉霞明

西湖二首

六年塵夢隔微茫，重對雲光與水光。
亂後青山仍似畫，秋來疏柳不成行。
閒尋煮茗新茅店，難覓題詩舊粉牆。
為上湖心亭上望，四圍烟樹尚蒼蒼。

綺席依然奏管絃，樓臺高倚五雲邊。

清時喜得湖山主

亂後西湖蕪穢特甚，蔣翁泉方伯葺之湖心亭，岳墳巢居閣，放鶴亭，已復舊觀。

浩劫休論戰鬥年，秋澍花深鷗有夢。
涼波蘆細雨如烟，我來欲洗黃塵眼。
自挈輕尊上釣船。

夜步梅東橋有懷里門諸知己

罷酌花邊酒平橋試一登寒潮兩岸月畫角半樓燈松影
瘦于鶴詩情靜欲僧遙知秋社客良夜興還棄

下第後寄叔彝觀察翔伯封翁

百戰名場早著鞭讓人馬首屢爭先不堪宋玉悲秋日又
是劉蕢下第年蕭瑟光陰催我老麤疏才調愧君憐短衣
未擬從軍去更把殘編一惘然

題畫

濛

絲楊千縷裊迴汀山色空濛樹色青長蓬一聲放船去江
南江北雨冥冥

雨中集娛園題壁上山水用坡公題王定國烟江疊

嶂韻

圖

涼秋一雨洗衆山空濛曉碧烟非烟愁心如葉掃不可疏
林撼撼風蕭然娛園主人好事者招我置酒聽流泉為言
壁上圖畫好噴薄元氣分山川但見蒼厓豁豁百谷暝濕
雲霓霽流山前緣坡在樹挾黑雨老墨一潑無青天恍驚

烟中走神鬼詎有筆跡留纖妍不知何人運此造化手凌
鑠老米欺石田我昔舟中看天姥長風卷浪愁長年雄雷
忽震萬壑響迴頭已失山娟娟千歲老松拗風力吼怒欲
起蛟龍眠胷中此景數來徃竟擬披髮追飛仙翫圖惆恍
訝舊歷乃知翰墨饒因緣狂歌聲高醉興作片雲頭上催
詩篇

題黃左田侍郎山水障子再用烟江疊嶂韻

薄薄黛螺渲碧山濛濛澹墨生涼烟西風八月落葉衆疎

林高下皆天然山迴林斷蘚路窄匹練一道明飛泉泉流
阻石激仍怒分為兩派奔派巨川綠蘿古寺見谷口丹楓野
屋依厓前龍形古栝枝幹怪百尺夭矯擎青天巖竹參差
襍禽舞礪花紅紫分秋妍我思人間此境亦何限詎必定
買陽羨田長安冠蓋空塵土縱令富貴非少年何如臨溪
結茅舍開門日對山便娟黃精炊飯作晨食栢子釀酒供
醉眠生涯可置處士履嘯傲或下洪厓仙吁嗟乎世路嶮
巖不可以久住空山或者饒前緣神游靜作半日卧似聞

林中有人招隱歌終篇

寄蔡季珪

以瑋

孝廉兼呈賢兄彦湘

以瑩

大令獻其

以增

山長

兩度曾辜訪戴舟

季珪兩次見訪皆不值

聯牀何日叙情幽懷人湘

水初成詠

居近湘湖

卧病虛堂易感秋楊柳江城涼雨咽菰蒲

門巷斷鴻愁羨君姜被宵來擁同聽聲雞話壯游

時三君皆擬北

游

夜眺

遠火明江戍寒濤動海門
星低天接野霜淨月連村
儉歲笙歌少深宵魑魅尊
永懷愁不寐獨立盼朝暎

下第以來翔文自甬東
三次附書見慰感其意摯走

筆奉報

圖

忍飢空拒胡奴米折簡誰憐孔顛才
留得天涯知己在秋風千里寄書來

迢遙湖海雙青眼寂莫衡茅一腐儒
幾度感公情至語夢魂和月度勾餘

松溪曉發

蕭晨遵江程凜寒砭肌骨
 山竦東旭危野蕭凝雲密巖飈
 振林木落葉埋苔碣烟洗漁村來
 水齧灘石出屋角老雅
 啼霜痕白於雪

幼眉過縵雅堂因招文孺夜話

難得題襟侶飄然興肯棄
 寒花蘿徑月黃葉草堂燈覓句

吾猶敢譚兵爾獨能

幼眉喜譚兵

東隣有狂客來共擘溪藤

次日子九宿草堂復成一律

海內誰知己扁舟有故人閒携紫芝詠

以近作寄洞庭許泰眉徵君詩見示

來問草堂貧詩味連宵永交情此老真長吟拍銅斗寒月皎如銀

小雨欲雪集溫水堂同子九李珪文孺白華主人限

念字

索居困寒寂鬱攸恍病疴呼舸約良侶結詠謝塵念是時夕氣嚴朔雪半空鍊霏霏霰雨集滄滄雲水戀言登君子堂深燈照宵燕睫香點乳肥醪味沃花釀蓄悵因畢傾樹

義待衆砭說鬼座生風論兵舌厲劍句命琴或捶頭科中
屢墊墨溢艱筆驅茗烈恣甌戰共颺破惡罅寒鼓促詩欠
險語頗涉危斐詞亦成狷跋篇思屢殫傳觀目已眩結習
樂此枯繁歌笑彼豔推窗月未霽雞聲出霜店

蓬萊山睡獅庵畫壁水族變相

蓬萊多精藍睡獅其一也畫壁水族變相奇詭可
觀不書作者姓名二十年前余曾數數往玩今非
舊跡矣偶憶及之因賦是篇

精藍兀突臨山隅畫壁無乃滄洲圖我昔觀之忘朝晡此
手得非吳生俱蚡螽水雲光有無臺殿庠昉多珊瑚蛟宮
之君紅髯鬚菟裘按轡青虬駒綽約神女雪色膚絳袍颯
纒翔天吳幢帑柴虎相盤紆前者鼓鉦後笙竽雕形甲士
俯以超波山之幽誰所居猗猗百恠操戈及哆唇突鬢袒
其軀斑駁有似玢丹朱或祛或擲或獸狙仰而立者氣或
嘘縹緲幻出瓊瑤都紫衣神官青黃顛以鞭笞龍嗔龍駑
綃人撒梭顏色枯眼泉迸落圓珍珠腥烟怪霧紛而區誰

能一一詳其餘不知作者從何摹詭譎狀此千形模令我
憶之長嗟吁惜哉陵谷多變殊可護歲久山靈庸剝落十
丈陰苔鋪寒山風雨危殿孤夜深精魅來啼呼

三松庵三松

三松庵在蓬萊東麓馬鞍嶺下庵外三松相傳為
宋時物山民頗禁護之近為蟄龍所拔

三松庵前三古松偉軀十圍如老龍故老相傳前代物閱
劫不變青童童一株懸崖側而歆霜斑慘裂厚蘚皮左擘

右攫結濃陰白晝晦黑潛蛟螭一株偃蹇卧溪石怪幹橫
盤踞寒鐵百回雷火燒不死焦痕純作爛斑色其中一株
千尺強鱗爪磔兀髯鬣張森然暗黛矗霄漢時有雲氣來
迴翔憶昔看松憇松側龐眉老僧為余述此松歲久精氣
成往往能與風雨爭有時空山夜色靜柯葉戛作笙簧鳴
靈飈肅然下羣帝駭鷲彷彿聞笑聲窪腹豈容蝼蟻穴怒
濤亦使妖魅驚况饒泉源資培護詎有工伐來經營蟄龍
忽起霹列隨臂掀厚地高峯墮枝撐吼怒力排拘膏血下

注靈脈摧腥風颯颯卷秋草松斷龍飛山月小慘淡垂柯
元鶴悲淒涼敗幹孤獺稿千年神物豈無知嗟哉數盡難
護持大材棄置不合用牧童斫得供晨炊臨溪無復碧參
天地靈上訴愁真仙重來惟見枯根在荒山日落狐狸眠

第六天精舍



第六天在蓬萊山麓昔詩僧再人居之精舍劇幽
勝余少時數往禪喜亂後重過則荒落甚矣王僧
為述興葺無力狀因作是詩

頽雲荒荒覆林屋古徑無人石如鏃鬼氣壓檐啼老鷄白
日陰磷出深竹悍鷓擘風斷佛臂慘苔積雨上爐足蝸緣
古壁漬溜黯鼠竄空庭瘦松禿打頭葉重襍蛛挂擁屐莽
深或蛇伏病僧強起衲類鷄待客無茶貌局促我前問訊
話疇昔布襪青屨來頗熟如來寶地眩龍象贊公禪房盛
花木廊虛屢約清風來榻靜常邀白雲宿藥船茶白位并
井硯水瓶枝香馥馥客來時共石上棋午至便歡佛前粥
詞老曾題自在居

有頽曰自在居為
杜尺莊煦微君題禪味頗饒清淨福廿

年踪跡隔塵海一嘆如何變茅谷僧言連歲山田荒供佛
無燈盂無粟檀施不來緣羞唱曇關永閉塵誰撲我遭銅
馬歷窮餓欲聽木魚隨芋藪詎知深山亦苦貧不異腐儒
困薄俗出門惟見碧峯孤簌簌寒烟墮蒼樹

蕭山蔡氏雙烈詩



雙烈者蔡孝廉

以瑩

配曹隆遙室馬也咸豐辛酉

秋九月粵賊陷蕭山孝廉先率諸弟奉母避於鄉

而曹與馬走呂裁庄遇賊皆不辱死曹所出子景

軾女景季馬所出女景良亦同時死事平孝廉請

卹于

朝復書其事徵詩山陰王詒壽為賦五百餘言記之
以俟後之采風者覽焉

鑄鐵成鸞刀遇堅刃可曲守禮出婦人遇危身不辱蔡氏
有賢婦姆教夙所熟食貧佐夫子軋軋鳴機軸誨兒以義
方導女以貞淑有正妾少年荆布貌如玉感以恩與禮聞
房敦雍睦辛酉冬十月鼙鼓西南來危城已不保日暮畫

角哀婦妾相與語哽咽淚如雨女子重守身吾儕以死計
明朝賊大至殺掠恣兇毒逼脅千紅妝慘顏不敢哭婦乃
與賊言汝曹何喧喧遺汝釵與環亟去毋相干賊獍怒且
笑竟前欲犯之婦心死已久安肯求生為戰手指賊罵鼠
輩罪磔屍與落豺虎手寤入蛟螭口攬衣危橋下此身復
何有竒哉數歲兒隨死亦恐後兩女弱且小詈賊聲嚶嚶
一為賊所挾始賊喪其身其一妾所出依嫡江邊行同時
死節烈是豈性所成洵哉母氏教大義明髻齡想當輕生

角哀婦妾相與語哽咽淚如雨女子重守身吾儕以死計
明朝賊大至殺掠恣兇毒逼脅千紅妝慘顏不敢哭婦乃
與賊言汝曹何喧喧遺汝釵與環亟去毋相干賊獍怒且
笑竟前欲犯之婦心死已久安肯求生為戟手指賊罵鼠
輩罪磔屍與落豺虎手寧入蛟螭口攬衣危橋下此身復
何有竒哉數歲兒隨死亦恐後兩女弱且小詈賊聲嚶嚶
一為賊所挾始賊喪其身其一妾所出依嫡江邊行同時
死節烈是豈性所成洵哉母氏教大義明髫齡想當輕生

時賊亦相顧驚是時日未暮殺聲一何怒刀響人頭飛火
烈天容怖頗見偉丈夫低頭拜於路衣冠真灰塵縛若蟻
就捕妾抱三歲兒正伏葦深處回頭見夫子躑躅望寒
渡揮手語夫子不去將何恃請看身後旂滾滾望皆是道
旁采菱器如斛誰所遺中足容一人亟渡毋遲疑君母幸
無恙君兒應相隨舉兒歸君懷妾死甘如飴豈不願同活
盈載將傾歌行矣勿復悲男兒志奮飛語完賊已逼舉身
入波濤愁雲四面起日慘風刁刁波濤何洶湧鯨鱓磨牙

恐龍伯騎竈來見此心應竦死節聚一門此死泰山重似
聞飭其曹弱骨金鞋擁阿母得聞之慟哭連旦宵隣里得
聞之衆口為悲號事平上大府大府請於

朝

朝廷嘉其節

書圖

褒卹恩斯叨至今湘湖上過者歌大招忠臣不辱國報君
在一死烈婦不辱身其情亦相似願以賤子詩傳之風後
世

塵

如雨如烟散處白漫唾京雒素衣人嘶風驛騎飛官道拂
地宮袍拜帝宸十里花連香陌曉一聲歌繞畫梁春只憐
金鑰重門閉芳黯瑤階草似茵

端溪石硯歌效昌谷體

嬌龍啼春踏烟起疊疊洞雲凝曉紫鑷花鍊霜割雲尾錦
膩瓊肪鬼工死紅棉拭匣琉璃黃老蜍呵露真珠光瑤窩
一滴養秋髓髣虬下吸蘭魂喜螺屏摺翠髻几香夜捫麟

篆驚扶桑萬歲千秋永持護啾啾書鬼燈前妬

江上即目

墟影橫波瘦炊痕映竹昏密雲團野寺寒葉擁江村鐘動
暮雅急漁歸稚子喧長吟忘遠近不覺到柴門

題仇英織錦圖

集皋社作

鴛機翠軸花紋薄紅粉娥娥映羅幙素手輕拋碧玉梭寶
釵欲顫真珠索無限將縑比青情非關待製錦裙成綠蕪
道遠雙魚隔雪藕心靈萬緒縈西州刺史太風流歌舞裏

陽幾載留藏嬌別作黃金屋望遠空登翠鳳樓黯黯暮雲
秦苑雨依依楊柳漢南秋千山萬水相離久夢魂幾度空
攜手怨臉分明妾自傷病身消瘦君知否不將鳳紙寫相
思不效班姬紉扇詞玲瓏寶錦初成日宛轉柔腸欲斷時
柔腸宛轉宵連曙萬里殷勤寄將去就中幾點絳脂痕是
妾淚花紅浣處將軍獵罷碧山頭紗帽輕衫駿騎收擁帳
千重紅韎鞞當筵十隊鈿篋篔卷中所畫如此徵聲選色歡情恣
鴛侶誰提舊時事正教翠袖奉金尊忽報蒼頭傳錦字錦

字傳來劇可憐成都回首渺如烟悔因桃葉江頭詠不寄
香車陌上牋香車陌上緩迎來黯淡顰娥翠乍開怨柳漫
吟思婦曲籌花重醉合歡杯舞鸞鏡破圓如昔浦裏珠還
光的的寒行真憐妾手軟柔絲剛轉君心石我題此畫三
嗟吁離合人生朝暮殊當窗軋軋何須怨棄擲藉此成歡
娛君不見東家有女解挑紋老大鳴機未嫁身織成金縷
寄何處賣與邯鄲學舞人

浙



浙江圖書館





浙江圖書館





浙江圖書館



浙江圖書館



浙江圖書館



浙江圖書館



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19 20

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black